

طلسم روما

— رواية —
بكر عبدالرحمن



رواية
طلسم روما
بقلم
بكر عبدالرحمن

جميع حقوق النشر الإلكتروني محفوظة للكاتب
ودار أدباء ٢٠٠٠ للنشر الإلكتروني
رواية / طلسم روما
للكتاب / بكر عبدالرحمن
الغلاف تصميم / عمرو الطناني
تصحيح لغوي / فاطمة الهواري
الإصدار الأول / نوفمبر ٢٠١٥
دار أدباء ٢٠٠٠ للنشر الإلكتروني
الموقع الخاص بالدار

<http://entashaaer.wix.com/odabaa2000>

المدونة الخاصة بالدار ومجلة أدباء ٢٠٠٠ على البلوجر

<http://odabaa2000.blogspot.com.eg>

الصفحة الخاصة بالدار على الفيس بوك

[/https://www.facebook.com/Odabaa2000](https://www.facebook.com/Odabaa2000)

الجروب الخاص بالدار على الفيس بوك

<https://www.facebook.com/groups/1686790618/200616>

إهداء

- إلى أبي الذي علمني أنه لا يوجد ما يسمى بالمستحيل .
- إلى من أحبها قلبي وعلمته معنى الحب .
- إلى أصدقائي ولن أذكر إسم معين لكثرة عددهم .
- إلى مجلة أدباء ٢٠٠٠ وكل القائمين عليها .
- إلى ما يقرب من ٣٠٠٠ شخص وهم متابعيني على الفيس بوك .
- إلى كل من سيقرا هذه الرواية سواء يعرفني او لا يعرفني .

أهديكم

طلسم_روما

وكلني أمل أن تنال رضاكم

#بكر_عبد_الرحمن

((كل أحداث الرواية من خيالي ولا تمت للواقع بأي صلة))

الحلقة الأولى



- تمام يا فندم هكون عند حضرتك فى أقل من نص ساعة
مسافة السكة

قالها سيف للعميد هشام أثناء مكالمة هاتفية طارئة

- مريم : فى أيه يا سيف

قالتها مريم زوجة سيف بعدما لاحظت تغير ملامح وجه

سيف : مفيش يا حبيبتي أنا عارف أنك هتزعلى من اللى
هقوله بس لازم تعذرينى .

مريم بتغير فى ملامحها واضح عليها الضيق

- مريم : طبعا " كالعاده كل أجازة هتقولى محتاجينك فى الشغل
ضرورى وأنت لازم تروح دى مش أول مرة أنا وأبنك لينا
عليك حق

- سيف بإحراج شديد : والله غصب عنى والموضوع شكله
كبير وبعدين أوعدك هعوضلك الأجازة دى بأجازة أحلى

- مريم بأبتسامة ساخرة : فس الكلام بتاع كل مرة ودلوقتى
المفروض أقوم عشان أحضر حاجتنا عشان تلحق ترجع

- سيف بأبتسامة باردة : اه والله ياريت قبل ما يتصلوا بيا تانى
أنا هلبس هدومى وأدور العربية عقبال ما أنتى تجهزى.

قامت مريم لتحضير ما جاءوا به بينما ذهب سيف لتجهيز
السيارة ليستفاد بأقصى قدر من الوقت

سيف يرتدى ملابسه مسرعا.

- سيف : أيه يا حبيبتي خلصتى .

- مريم بضيق :

- خلاص يا سيف خمس دقائق وأكون جاهزة كنت بصحى
أيمن أبنك .

ثم نزلوا من الشالية وركبوا السيارة وأنطلق سيف بأقصى سرعة متجهاً " نحو منزلهم فى التجمع الخامس بالقاهرة وفى خلال الطريق

- مريم بفزع : هدى السرعة شوية يا سيف هنموت .
- سيف بلا جدوى : متقلقيش بس أنا لازم أجرى كده أنتى مش سمعانى بقوله نص ساعة والطريق من العجمى للقاهرة محتاج على الاقل ٣ ساعات والموضوع فعلاً " كبير .
- مريم بقلق : هو فى أيه فى حاجة حصلت .

سيف يشغل كاسيت السيارة
- سيف : هبقى أحكيلك بعدين لما أفهم ومتقلقيش مش حاجة تخصنى دى قضية وشكلها كده هتبقى كبيره ومش سهله
ممكن بقى كفايه كلام وتخلينى أسمع أم كلثوم وأركز فى الطريق

- مريم : حاضر .
ثم ساد الصمت و أستمعوا الاثنين لأم كلثوم أغنية الأطلال حتى وصلوا إلى المنزل .
نزلت مريم من السيارة حامله أبנם أيمن نائماً " على كاتفها وحمل سيف الشنط إلى المنزل ثم عاد ليركب سيارته مرة أخرى مسرعاً " متجهاً " إلى عمله فى جهاز الأمن الوطنى

* جهاز الأمن الوطنى .

وصل سيف إلى مقر عمله وقبل أن يفعل أى شئ دخل إلى مكتب العميد هشام سراج ليفهم منه ما حدث .

- سيف : أسف على التأخير يا هشام باشا

- العميد هشام بعصبيه : أيه كل ده يا سيف امال لو مكونتش أستعجلتك بنفسى كنت جيت أمتى

- سيف بتأسف : معلىش يا هشام باشا بس حضرتك عارف الطريق من أسكندرية للقاهرة ده غير الزحمة

العميد هشام : ماشى يا سيف أقعد عشان أفهمك اللى حصل أكثر

بدء العميد هشام بسرد الأحداث ل سيف

-العميد هشام : فى ٣ شباب إنتحروا انهارده وبنفس الطريق دابحين نفسهم وبدون اى أسباب

- سيف بعلامات أستغراب : بنفس الطريقة وبدون أسباب طب وأيه العلاقة اللى بتجمع بينهم

- العميد هشام مستكmlا " حديثه : مفيش علاقة بتجمع بينهم والتلاتة من أماكن مختلفة

- سيف متسائل " : منين يافندم

- العميد هشام : أول واحد أسمه "على فؤاد مكرم" ٢٣ سنة من أمبابه تانى واحد أسمه "مصطفى عبد التواب الفولى" ١٩ سنة من حلوان وتالت واحدة دى اللى لسه وصلنا إخباريه

بيها إسمها "علا محمد المهدى" ٢٢ سنة التوفيقيه السويس
- سيف بأستغراب شديد : السويس ... يعنى الموضوع على
مستوى المحافظات مش على مستوى القاهرة بس .
- العميد هشام : فى فرق توقيت بين كل حادثة إنتحار والحادثة
اللى بعدها ساعه بالضبط ٦٠ دقيقه تضبط ساعتك عليهم أنا
بعت الرائد وائل الدمياطى يعمل تحريات فى أماكن الأحداث هو
دلوقتى وصل حلوان لأنها أقرب حاجة لينا عايزك تروح
وتتعاونوا مع بعض عشان نوصل لحل ونفهم أيه اللى بيحصل
عايز نتايج سريعة نواجه بيها الرأى العام يلا أتفضل .
- سيف ناهضاً : أوامر معاليك يا فندم إن شاء الله هبلغ
حضرتك أخبار كويسة وهكون عند حسن ظنك .

خرج سيف من مكتب العميد هشام سراج وركب سيارته متجها
إلى حلوان وأثناء طريقه أخرج هاتفه وأتصل بالرائد وائل
الدمياطى

- سيف : الو أيوه يا وائل

- وائل : مساء الخير يا سيف أجازة سعيدة

- سيف : سعيدة مين بقى ما هى أقطعت عشان أم القضية
بتاعت اللي بينتحرروا دول ملقوش غيرى أنا اللي فى أجازة
عشان يمسكوه القضية

- وائل : معلش يا سيف أنت تاريخك سابق برده وده اللي
يخلى العميد هشام متمسك بيك أنك تمسك القضية دى
خصوصا إن شكلها وراها لغز كبير

- سيف : أهو ده اللي باخده معلش

- وائل : طبعا" مراتك نكدت عليك لما عرفت إن أجازتك
أقطعت.

- سيف : هههه أكيد طبعا" مبتقدرش إن ده شغل وأن الأوامر
لازم أنفذها

- وائل : معلش هى كل الستات كده معرفش بيحبوا النكد ده
كله منين مع إنهم قال إيه رومانسين

- سيف : من عند البقال يا خفيف وأهدى بقى من الخفه دى
.... ومتنساش أنى رتبة أعلى منك يعنى تحترم نفسك قدامى
بدل ما أعملك جزا مش عشان صاحب تفضل على طول تهزر
نسيب الهزار بقى ونتكلم فى الشغل

- وائل : ماشى يا باشا بلاش هزار دلوقتى

- سيف : الناس بتاعت الطب الشرعى وصلت عندك ولا لسه

- وائل : اه شغالين اهو بيفحصوا المكان
- سيف : تمام أنا خلاص ٥ دقائق وهكون عندك عشان نبدء
شغل

- وائل : تمام يا سيف باشا سلام

أغلق سيف الهاتف و زاد من سرعة السيارة حتى وصل الى
منزل عبد التواب الفولى ب حلوان
دخل سيف الى المنزل وأتجه ناحية وائل
- سيف : ها يا وائل فى جديد
- وائل : لأ مفيش يا سيف
- سيف : تمام دى أمه دى الى على الكنبه الى هناك
- وائل : اه هى
- سيف : طب تعالى
تحرك سيف متجها " ناحية والدته مصطفى
- سيف : البقاء لله يا حجة
- والدته مصطفى : حياتك الباقية يا سعادة الباشا
- سيف : معلىش يا حجة هتعبك شوية أنا مقدر الى حصل بس
أحنا لازم نشوف شغلنا
- والدته مصطفى : ولا يهملك أتفضل
- سيف : ربنا يخليكى يا حجة.... أحيلى بقى يا حجه ايه الى
حصل

- والدته مصطفى : مفيش يابنى والله أحنا كنا عايشين هنا فى
أمان الله أنا ومصطفى وأخوه علاء فى الإمارات وأبو علاء

متوفى من أربع سنين انهارده رجع من المعهد بتاعه الساعة واحدة فى ميعاده عادى دخل غير هدومه وقعد ماسك موبايله كالعاده وهو نايم على السرير وأنا فى المطبخ بحضر الأكل مرة واحدة سمعت صوته بيصرخ دخلت أجرى عليه لقيته مرمى على الأرض دابح نفسه وجنبه السكينة اللى الأستاذ أخذها

- سيف متحدثاً "إلى وائل : السكينة دى فىن وموبايله

- وائل : أتحرزوا يا سيف

- سيف : هاتهم دلوقتى فك التحريز وهاتهم

ثم عاد سيف للتحدث مع والدة مصطفى

- سيف : طب هو كان عنده أى مشاكل نفسيه او عصبيه او أى حاجة تخليه ينتحر

- والدة مصطفى : أبداً " والله يابنى

أتى وائل ب هاتف مصطفى والسكينة التى أنتحر بها وأعطاهها إلى سيف

- سيف : الموبايل مملووش مكالمات من الساعة ٩ الصبح

- والدة مصطفى : فى حاجة لازم تقولها لك جايز تفيدك

- سيف : أياه يا حجة

والدة مصطفى : السكينة دى مش بتاعتي و أول مرة أشوفها

جنب مصطفى بعد ما دبح نفسه

الحلقة الثانية



أصيب سيف و وائل بالذهول بعدما قالت والدة مصطفى إليهم بأنها لم ترى السكينة التي ذبح بيها مصطفى نفسه من قبل وأنها لا تخص المنزل فعاد سيف للحديث مع وائل مرة أخرى ولكن لوحدهم بعدما تركوا والدة مصطفى

- سيف : مش قولتلك أن صداقتنا ببعض بتخليك تهمل شغلك

- وائل : ليه بس كده يا سيف باشا

- سيف : أنا راضى ضميرك ينفع تحرز الحاجة قبل ما تقفل كل الخيوط معلومة زى دي هتفرق أوى فى أننا نعرف أيه اللي بيحصل ده وسببه أيه وأنت محرز السكينة من غير ما تكون عارفها

- وائل : معلىش يا سيف أنا أسف

- سيف : أسف ايه بقى بص القضية دى كبيرة ومش هينفع فيها غلطات ومش كل حاجة لازم أعملها بنفسى غلطة تانى يا وائل وهطلب حد غيرك يساعدى

- وائل : ماشى يا سيف حاضر

- سيف : أنا عايزك تروح أمبابه عند أول واحد أنتحر اللي هو "على مكرم" ده وأنا هطلع على السويس أشوف ايه حكاية "علا" دى كمان يارب نطلع ب أى نتايج أو خيط نمشى وراه

- وائل : تمام

- سيف : عايز تقرير مفصل عن اللي حصل ل "على" ده يكون قدامى أما أرجع من السويس وأنا هحاول متأخرش

- وائل : إن شاء الله

- سيف : يلا بينا وبعد كده نشوف

خرج سيف و وائل من المنزل وقبل نزولهم رن موبايل سيف
و وائل صوت رنات رسائل

- سيف : مريم رنه عليا ٢٥ مرة والعميد هشام ١٧ رنة

- وائل : العميد هشام رن عليا ١٥ مرة

- سيف : أنا برن عليه ربنا يستر شكل فى حاجة جديدة
حصلت

رد العميد هشام على اتصال سيف بعصبية شديدة

- العميد هشام : إيه يا سيف موبايلك مقفول ليه

- سيف : معلش يا هشام باشا واضح إن المكان هنا الشبكة
فيه ضعيفة

- العميد هشام : طب عملت أيه وصلتوا لحاجة

- سيف : أحنأ لسه ياباشا بنعمل التحريات وائل دلوقتى هيطلع

على أمبابه عشان يعمل التحريات عن "على فؤاد مكرم" وأنا
رايح السويس أشوف "علا محمد المهدى"

- العميد هشام : ده أسمه هزار يا سيف الموضوع بيكبر

والوزير كل شويه يتصل يسأل على نتایج وأنتوا لسه ملقتوش
ولا خيط نقدر نتكلم بيه أنتوا بتلعبوا يا باهوات

- سيف : ما هو

- العميد هشام : ولا ما هو ولا مش ماهو معاليك بتحقق كل ده

فى حالة واحدة وفى حالة إنتحار جديده حصلت وبنفس
الأسلوب

- سيف بضيق : حالة إنتحار جديدة

- العميد هشام : أيوه يا باشا من ١٧ دقيقة ما هو أنت لو

- بصيت فى ساعتك كنت عرفت إن فات ساعة
كده عندنا ٤ لحد دلوقتى وفاضل ٢ ٤ دقيقة وأحتمال كبير كده
يبقى فى حالات تانية عشان انتو نايمين
- سيف : فى أقل وقت يا هشام باشا هيبقى عند حضرتك تقرير
كامل عن اللى حصل والسبب عشان ناخذ من حضرتك الأوامر
الجديدة
- العميد هشام : ماشى يا سيف أنا مستنى مش هتحرك من
مكتبى
- سيف : حالة الأنتحار الجديدة فىن يا فندم
- العميد هشام : فى البحيره المحموديه اسمها "ولاء صابر
الطوخى" ٢٥ سنه
- سيف : تمام يا فندم
- العميد هشام : مستنيك يا سيف عشان أشوف النتائج سلام
أنهى سيف المكالمه مع العميد هشام وعلى وجهه الحيره
والضيق حتى حدثه وائل
- وائل : فى أيه يا سيف
- سيف : أنت هتروح السويس بدالى
- وائل : حاضر يس ليه فى أيه حصل
- سيف : فى حالة إنتتحر جديدة حصلت فى المحمودية بحيره
أنا هروح هناك وأنت أطلع على السويس واللى يرجع الأول
يروح على أمبابه
- وائل : حاضر يا سيف بس أهدى أنت كده

- سيف : أهدي تيه يا عم دي أرواح ناس أحنا مسئولين عنها
وكل ساعة في واحد بيموت واحنا حتى مش عارفين السبب
يلا أتوكل على الله وأما ترجع نتقابل سلام
- وائل : سلام

تحرك سيف غاضبا وركب سيارته متجها " إلى مدينة
المحمودية محافظة البحيرة لمتابعة التحريات التي أجراها
القسم التابع له الحالة الرابعة "ولاء صابر الطوخى" وما إن
وصل إلى منزلها بدء في الحديث مع أفراد اسرتها باحثا " عن
أى معلومة

- سيف : السلام عليكم البقاء لله يا حاج صابر
- صابر الطوخى : قل لن يصيبنا الا ما كتب الله لنا
قال هذه الكلمة ثم أنغمر في البكاء
- سيف : أمسك نفسك شوية يا حاج صابر وادعيلها بالمغفرة
والرحمة
- صابر الطوخى : أدعيلها ازاي دي ماتت كافر ربنا يتقبل
دعوتى ل كافر ازاي
- سيف : طب بعد إذنك يا حاج أنا عايز أعرف ايه اللى حصل
عشان أقدر أشوف شغلى
- صابر الطوخى : معرفش حاجة أنا راجل غلبان على قد حالى

بنزل كل يوم من صباحية ربنا لحد اخر الليل أدور على لقمة
عيشهم ومعرفش عملت كده ليه بكره الناس تتكلم ما تسكت
أنها أنتحرت عشان فلان ولا علان منها لله منها لله حطت
راسى فى التراب

تركه سيف بعد علمه بأن الكلام معه لن يأتى بأى فائدة
وسيصبح ضياع وقت وذهب إلى والدتها

- سيف : ربنا يصبرك يا حجة انا المقدم سيف عبد السلام من
الأمن الوطنى وبحقق فى موضوع الانتحار ده وعازي أعرف
من حضرتك شوية معلومات كده

- والدة ولاء : حضرتك مش شايف إن الحالة متسمحش
- سيف : معلىش أنا أسف بس الموضوع خطير وفى حاجات
تخص أمن

البلد ولازم تساعدينى

- والدة ولاء : وانا بنتى كان مالها بأمن البلد ولا دى كمان
هتطلعوها إخوان

- سيف : حاسبى على كلامك يا حجة وجاوبينى على اسألتى
عشان تمشى

- والدة ولاء : اسأل يا بيه اسأل بدل ما تقولى أخذك معايا
- سيف : لا يا حجة أنا مبخدش حد معايا أنا اللي يهمنى أمن
البلد وياريت بقى تحكىلى اللي حصل بالتفصيل

- والدة ولاء : معرفش أيه اللي حصل هى كانت قاعدة فى
أوضتها عادى بتلعب على الكمبيوتر بتاعها وحاطه السماعة
فى ودنها مرة واحدة لقيتها بتصرخ جريت عليها لقيتها دابحة

- نفسها بسكينة أول مره أشوفها
ومعرفش جابتها منين
- سيف بتركيز : سكينة أول مرة تشوفها
 - والددة وللاء : اه أول مرة أشوفها
 - سيف : فين السكينة دى
 - والددة وللاء : أخذوها بتوع القسم اللى كانوا موجودين هنا قبل حضرتك
 - سيف : تمام معلش بس أنا أسف على السؤال ده تفتكرى فى حاجة ممكن تخلى وللاء تعمل كده
 - والددة وللاء : أبدا والله دى عارفة ربنا ومكانتش بتفوت فرض
 - سيف : طب تفتكرى جابت السكينة دى منين
 - والددة وللاء : والله ما أعرف دى ما بتنزلى خالص وأبوها مخرج عليها النزول خالص
 - سيف : ماشى يا حجة شكرا أوى ليكى بس معلش طريق القسم أزاى
 - قامت والددة وللاء بوصف طريق قسم الشرطة إلى سيف الذى نزل مسرعا" وركب سيارته متجها" الى قسم الشرطة وعندما بدء فى السير أخرج هاتفه ليجرى مكالمة ب الرائد وائل
 - سيف : ايوه يا وائل
 - وائل : ايوه يا سيف
 - سيف : عملت آيه وصلت لآيه عندك

- وائل : موضوع غريب جدا " نفس الكلام اللي قالتة أم مصطفى من شويه هو هو اللي قالوه أهل "علا" كانت قاعده بتسمع أغاني لوحدها فى

أوضتها ومرة واحدة سمعوا صوتها بتصرخ أختها دخلت تشوفها

- قاطع سيف كلام وائل : أستنى بس شويه قبل ما تكمل - وائل : فى أيه يا سيف

- سيف : فى حاجتين هما اللي لحد دلوقتى بيربطوا بين التلاتة بيسمعوا أغاني و بيدبحوا بسكينة أول مرة تظهر أنت شوفت السكينة اللي أدبحت بيها علا دى

- وائل : ما أنا كنت لسه بقولك السكينة اللي أدبحت بيها أخت السكينة اللي أنتحر بيها مصطفى وأهلها برضو أول مرة يشوفوها

- سيف : أنت فى دلوقتى

- وائل : أنا خلاص نزلت من عندهم هرجع على القاهرة وكنت لسه هكلمك أروح أمبابه

- سيف : لأ أرجع تانى السويس عايزك تعرف كانت بتسمع أغاني ايه بالظبط فى لغز فى موضوع الأغاني دى وتجبلى السكينة معاك أنا هتصل بالعميد هشام يطلع لينا أذن من النيابة عشان تاخذ الحرز وتجبلى تليفونها والكمبيوتر بتاعها

- وائل : حاضر ولو أنى هرجع مشوار جامد ده أنا خلاص كنت وصلت الكيلو ١٠٩

- سيف : يلا يا وائل بلاش دلح مفيش وقت الخيوط هتيجى فى إيدينا

- وائل : ماشى يا سيف
- سيف : ماشى أنا هقفل عشان داخل القسم
- وائل : سلام

أغلق سيف المكالمة مع وائل ثم دخل إلى مأمور قسم شرطة
المحمودية

- سيف : مساء الخير أنا المقدم سيف عبد السلام من الأمن
الوطني

- مأمور القسم : اهلا وسهلا ياسيف باشا

- سيف : أنا بحقق فى قضية الانتحار بتاعت "ولاء صابر
الطوخى" اللى أنتحرت من حوالى ساعة و ١٠ دقائق وكنت
عايز أشوف الحاجات اللى أتحرزت وسلاح الجريمة

- مأمور القسم : تحت أمرك يا سيف باشا بس أيه أهمية
"ولاء" دى عشان الأمن الوطنى يحقق فى أنتحارها

- سيف : مش مهم أيه أهميتها متشغلش بالك أنت ياريت بس
تبعث أى حد بسرعة يجيب الحرز عشان مستعجل عقبال ما
أعمل مكالمة

خرج سيف من مكتب المأمور للاتصال بالعميد هشام الذى
أتصل به بعدما دخل القسم يعلم أن ساعة مرت ولا بد إن فى
ضحية جديدة


- سيف : أيوه يا هشام باشا معلى أسف مردتش كنت فى
الحمام

- العميد هشام : حمام أيه وزفت أيه فى الظروف اللى أحنا فيها دى

- سيف : معلش يا هشام باشا أنا بدأت أوصل لشوية خيوط همشى وراها وهعرف حضرتك النتائج أول ما أرجع لأنى روحى المحموديه أشوف أهل "ولاء" وكنت عايز أستأذن حضرتك نستخرج إذن نيابة عشان ناخد الأحراز بتاعت الضحايا عشان أهميتها فى سير التحريات

- العميد هشام : بعدين يا سيف تطلع دلوقتى على أسكندرية فى حالة إنتحار جديدة فى منطقة أسمها الوردان شاب أسمه "حسن مصطفى منصور" ١٧ سنة ولحسن حظنا أهله لحقوه ونقلوه المستشفى

الحلقة الثالثة



عاد سيف مسرعاً إلى مأمور القسم ليأخذ منه الأحراز التي
جمعوها من معاينة أنتحار "ولاء صابر الطوخي"
- سيف : ها جبتي الأحراز ولا لسه
- مأمور القسم : لسه بعث العسكري يجبها على ما حضرتك
تشرب القهوة هتكون قدامك
- سيف : أنت بتهزر لسه هشرب قهوه بقولك أيه أنا رايح
مشوار أرجع ألقى الحاجة جاهزة وهيكون أذن النيابة وصلك
عشان متعزمش عليا تاني ب قهوه
- مأمور القسم : أنت فهمت الموضوع غلط يا سيف باشا

خرج سيف غاضباً من قسم الشرطة ولكنه وجد أمل وربما
أدلة لهذا اللغز يريد أن يصل في أسرع وقت إلى المستشفى
التي نقل إليها "حسن مصطفى منصور" يعلم أن ما سيقوله
هذا الشاب سيكون أكبر الخيوط لمعرفة الحقيقة فالباقى ليس
بكثير مضى ٢٥ دقيقة على حالة إنتحار "حسن مصطفى"
الضحية الخامسة من وجهة نظره أما أمام القانون فهي الحالة
الخامسة ركب سيارته مسرعاً "وما إن قطع ما يقرب من ربع
الطريق حتى رن هاتفه الرائد وائل
- سيف : الو أيوه يا وائل عملت أيه طمنى
- وائل : جبته السكينة اللي دبحت نفسها بيها من القسم
وسألت أختها كانت بتسمع أيه قالتلى معرفش كانت مشغله
الأغاني على اللاب وبتسمع فى السماعة

- سيف : طب أنت فين دلوقتى
- وائل : أنا لسه قدام البيت عندهم
- سيف : طب أدخل تانى حرز اللاب ده وهاته معاك
- وائل : بس ده مش قانونى يا سيف
- سيف : مفيش حاجة أسمها مش قانونى فى أرواح ناس بتضيع كل شوية حرز اللاب وأرجع أمبابه لحد ما أرجعك
- وائل : ماشى
- سيف : ماشى أقفل انت عشان هكلم العميد هشام الساعة بقيت ١١ ميعاد الضحية الجديدة ربنا يستر بقى
- وائل : ماشى يا سيف سلام

أغلق سيف المكالمة مع وائل ونظر إلى هاتفه بقلق ينتظر اتصال من العميد هشام يبلغه بحالة إنتحار جديدة ولكن الوقت يمر ولا توجد أى اتصالات ظل منتظر حتى وصلت الساعة الحادية عشر والرابع زاد قلقه وفضوله أيضا، مما جعله يتصل بالعميد هشام

- سيف : ألو أيوه يا هشام باشا
- العميد هشام : ايه يا سيف وصلت أسكندرية
- سيف : أنا دخلت البلد خلاص ورايح على مستشفى مبرة العصافره الى حضرتك قولت إن مصطفى أتنقل ليها
- العميد هشام : بسرعة يا سيف فى مواقع إخباريه بدأت تنشر والوزير بيتصل بيا كل شويه يطمن

- سيف : إن شاء الله فى أقرب وقت يا هشام باشا نقفل القضية دى

- العميد هشام : ماشى يا سيف

- سيف : معلش يا هشام باشا هو مفيش حالات أنتحار جديدة حصلت

- العميد هشام : لا يا سيف مفيش أى إخباريات لحد دلوقتى

- سيف : غريبة فات ساعه و ٢٣ دقيقه يعنى المفروض يكون فى حالة جديدة

- العميد هشام : معرفش يا سيف أحنا هنسبب التحريات بتاعتنا ونقعد نحسب فى الوقت إنجز اللى وراك يا سيف

- سيف : أوامر معاليك يا هشام باشا

أغلق سيف المكالمه مع العميد هشام و هو أمام مستشفى مبرة العصافره نزل من سيارته مسرعا" ودخل إلى المستشفى يستفسر عن رقم الغرفة التى نقل إليها حسن مصطفى ثم صعد داخل المصعد الخاص بالمستشفى متجها إلى الطابق الذى به غرفة حسن مصطفى وما إن خرج من المصعد وصلت إليه رسالة أن العميد هشام أتصل به و وجد الهاتف مغلق فقام بالاتصال به

- العميد هشام بعصبيه : موبايلك مقفول ليه يا سيف باشا هو كل شوية هفضل أرن عليك ويدينى مقفول

- سيف : معلش يا سيادة العميد كنت فى الأسانسير بتاع المستشفى ومكانش فيه شبكة
- العميد هشام : أسانسير أيه وزفت أيه حس بالمسئولية شوية يا سيف فى حالة إنتحار جديدة حصلت لسه واصل إشارة بيها من ٣ دقائق
- سيف بضيق : حصلت إمتى دى يا فندم
- العميد هشام : الساعة ١١ ونص مش كنت مستعجل عليها أهى حصلت
- سيف : أنا هعمل أيه طيب يا فندم أنا بجرى أهو ولافف كعب داير وبحاول أعمل اللى عليا بس الموضوع مش سهل
- العميد هشام : بص يا سيف بكره بالكثير تكون عرفت اللى بيحصل ده سببه ايه
- سيف : حاضر يا فندم أوامرك بس بعد إذن حضرتك الحالة الجديدة فين المرة دى
- العميد هشام : إسمها "إسراء محمد احمد" ٢٢ سنة من فيصل الجيزة
- سيف : تمام يا فندم

- أغلق سيف المكالمة ودخل إلى الغرفة الخاصة بـ "حسن مصطفى منصور" ليجد والده ووالدته بجانبه ومعهم الطبيب فبدأ بالحديث مع الطبيب
- سيف : مساء الخير يا دكتور أنا المقدم سيف عبد السلام من

الأمن الوطنى وبصراحة أنا كنت بحقق فى مجموعة إنتحارات
بتحصل للشباب انهارده من ضمنهم "حسن" الى حضرتك
بتشرف على علاجه دلوقتى

- الطبيب : أهلا بيك يا سيادة المقدم أتفضل

- سيف : معلى مش هطول على حضرتك هما سؤالين عايز
أعرف عمق الجرح قد ايه والسؤال التانى أقدر اتكلم معاه
أمتى

- الطبيب : عمق الجرح ١ سم بالضبط

- سيف : أسف لقطع كلامك يا دكتور بس العمق ده حصل
مع كذا حالة زى ما بقول لحضرتك أن فى حالات قبله و الجرح
أدى لوفاة فى الحال

- الطبيب : كلام حضرتك مضبوط لأن العمق ده بيوصل لشریان
فى الرقبة أسمه الشريان السباتى بيمنع وصول الدم فى الحال
عشان كده بيادى لوفاة لكن فى حالة "حسن" ولحسن حظه
أنه عنده عيب خلقى والشريان ده ببعد ب ١٣ مللى بدل ال ١
سم لما حاول يدبح نفسه السكينة موصلتش للعمق بتاع
الشریان وعشان كده بقى جرح فقط مش حالة وفاة

- سيف : تمام يا دكتور طب أنا أقدر أتكلم معاه أمتى

- الطبيب : هو قدامه من ربع ل نص ساعة ويفوق من البنج
لأنى اضطريت أديله جرعة مكثفة لخطورة عملية الخياطة فى
المكان ده وإن شاء الله لما يقوم تقدر حضرتك تتكلم معاه
عادى بس بدون ما تخليه يبذل مجهود

- سيف : متشكر جدا ليك يا دكتور وأسف لو عطلتك

- الطبيب : لا شكر على واجب يا سيادة المقدم وبالتوفيق بأذن الله

أنهى سيف كلامه مع الطبيب المختص بعلاج "حسن مصطفى" وأتجه إلى والده ليكمل حديثه معه

- سيف : حمد الله على سلامة حسن يا أستاذ مصطفى أنا المقدم سيف عبد السلام من الأمن الوطنى وكنت محتاج أتكلم مع حضرتك بخصوص اللى حصل ل حسن

- والد حسن : الله يسلمك يا حضرة المقدم اتفضل أسأل أنا تحت أمر حضرتك

- سيف : عايز أعرف ايه اللى حصل بالظبط ومين كان موجود ساعة حالة الإنتحار

- والد حسن : اللى حصل بالظبط حضرتك إننا كنا قاعدين فى الريسبشن بتاع الشقه أنا وحسن و والدة حسن كانت نايمة... حسن كان لسه راجع من الدرس بتاعه مكملش ساعة ونص وأنا كنت بتفرج على ماتش فى التلفزيون قعد ماسك الموبايل بتاعه داخل على الفيس بوك والحاجات دى وكان حاطط السماعه فى ودنه بيسمع اغانى كان معاليها ع الآخر لدرجة إنى كنت بكلمه عشان يقوم يذاكر كلمتين ينفعوه وهو ولا هنا لحد ما مرة واحدة قام حط إيدته تحت الكنبه طلع سكينه معرفش جت منين ودبح نفسه انا قومت جريت بيه على العربيو وجبته على هنا والحمد لله ربنا ستر

- سيف : كان بيسمع أغانى ايه متعرفش يا استاذ مصطفى

- والد حسن : لأ معرفش أحنا جيلنا مينفعش يسمع الحاجات

بتاعت اليومين دول

- سيف : طب فين السكينة اللى دبح بيها نفسه والموبايل بتاعه

- والد حسن : أكيد فى البيت أنا أول ما حصل كده أخذته وجريت على هنا ووالدته صحيت على صوت صرخته نزلت جرى معايا بلبس البيت محدش فينا كان فيه دماغ للموبايل والسكينة

- سيف : طب بص حضرتك كده ل صورة السكينة اللى فى الموبايل كده هى دى السكينة اللى كان هيدبح نفسه بيها
- والد حسن : ايوه هى دى تقريبا" وعموما أنا أول ما أروح البيت أجيبها ل حضرتك بس يقوم وأطمئن عليه
- سيف : ربنا يطمنك

خرج سيف الى شرفة الغرفة ليشعل سيجارة فى إنتظار قيام حسن من البنج ليعرف منه ما حدث لم يكمل السيجارة لسمع صوت والد ووالدة حسن يهليلون فرحا" بقيام حسن ما جعله يطفى السيجارة ويدخل إليه مسرعا"
ليتحدث معه

- سيف : حمدالله ع السلامة يا ابو على
- والد حسن : ده المقدم سيف بيحقق فى اللى حصلك يابنى
- سيف : معلىش يا ابو سيف ممكن تسيبونا شوية كده نتكلم مع بعض

- والد حسن : حاضر يا سيف باشا
خرج والد حسن ومعه والدته من الغرفة وتركوا سيف وحسن
وحدهم ليبدأ سيف بالحديث مع حسن

- سيف : ها يا بطل أحكيلى بقى بالتفصيل كل اللي حصل
النهارده من ساعة ما صحيت من النوم معلش لو الموضوع
هيتعبك بس على مهلك

- حسن بتألم : حاضر يا سيف باشا أنا طالب فى تالته ثانوى
بس تقدر تقول حضرتك عليا فاشل شوية انهارده صحيت
عادى الصبح ونزلت عشان أروح المدرسة لكن ده محصلش
لأنى رocht مع صحابى البلايستيشن بتاع عم يوسف اللي
جنب المدرسة وفضلنا قاعدين هناك لحد ميعاد المدرسه ما
خلص رocht ع البيت كانت الساعة ١ دخلت الحمام أستحميت
وطلعت أكلت ونمت ساعتين ونزلت الساعة ٤ فى ميعاد
الدرس رocht قعدت فى السيبر نزلت ألبوم ((آدم رسلان))
الى لسه نازل انهارده على الموبايل وفتحت الفيس بوك شوية
وأتفرجت على مسرح مصر على اليوتيوب لحد الساعة ما جت
سابعة قومت حاسبت ومشيت وصلت البيت الساعة

- قاطع كلامه سيف : براحه يا حسن متجهدش نفسك كمل
وبراحه أنا مبجريش وراك

- حسن : وصلت البيت الساعة ٧ و نص تقريبا" دخلت أتغديت
وغيرت هدومي وكلمت صحبتى شوية فى الموبايل وبعدها
شغلت الألبوم عشان أسمعاه وفتحت الفيس كنت بتكلم شات مع
"على" صاحبي هنزوغ فين بكره

لكن بدأت انسجم اوى مع اغنية اشتغلت كلماتها عربى مع
أجنبى بصراحة مش فاكّر أسمها وصلت لحتة فها فضلت
تكرر زيادة عن ١٠ مرات

(thout youI cant live wi)

أكررت كثير وفجأة حسيت بحاجة غريبة بتحصل شبح بيظهر
مش شايف حاجة غيرو فضل يبصلى كثير بيبرق خوفت أوى
منه صوتى مبيطلعش عشان أنادى حد يلحقنى فضل يقرب
منى لكن أنا مش قادر أتحرك ثابت فى مكانى كانى لازق فضل
يقرب لحد ما وصل عند الكنبه طلع سكينه وحطها على رقبتى
محسيتش بحاجة غير دلوقتى

الحلقة الرابعة



خرج سيف من غرفة العلاج الخاصة بـ "حسن مصطفى" بعد ما وجد ما توقعه أغنية

(I cant live without you)

خلفها سر أو بمعنى أصح أو أوضح هي سر هذا اللغز هي أول الخيوط التي يجب أن يمشى ورأها لأن في نهايتها حل هذا اللغز وهذه القضية نظر في ساعته الساعة الثانية عشر والنصف بعد منتصف الليل هل هذا ميعاد وقوع حالة إنتحار جديدة فقد مرت ساعة الآن على آخر حالة لكن إذا كان حدث شئ آخر كان علم من العميد هشام ولكن سر غريب أيضا " لماذا آخر حالة تأخرت عن ساعة هل تغير فرق التوقيت بين كل حالة وأخرى إلى ساعة ونصف أم أن في سر آخر ذهب سيف نحو سيارته سريعا " يجب أن يعود بأسرع وقت ممكن ركب سيارته وأنطلق مسرعا " أخرج هاتفه وأتصل بـ وائل

- سيف : ألو أيه يا وائل أنت فين

- وائل : أنا خلاص داخل على القاهرة أتصلت بيك كثير مردتش

- سيف : معلش المهم قولى جبت اللاب

- وائل : اه أخذته معايا دلوقتي

- سيف : أتأكدت أن محدش فتحه من بعد "علا" قبل ما تموت

- وائل : أتأكدت متقلقش عيب عليك

- سيف : أول ما توصل تدخل ب اللاب ده لمهندس الكمبيوتر

عايز أعرف آخر حاجة أشتغلت عليه وتستعجله

- وائل :طب مش هروح أمبابه أعرف ايه اللي حصل

- سيف : بعدين يا وائل أعرفلى آخر حاجة أشتغلت ع اللاب
ايه الأول

بس متهياىلى أنه مينفعش يعرف آخر حاجة أشتغلت عليه دى
خالص

سيف : طب خليه يحاول برضه و معلش بس عشان أتأكد إن
شكى صح أفتح اللاب دلوقتى وفتش فيه فى ألبوم بتاع واحد
أسمه آدم رسلان جديد شوفه موجود ولا لأ

- وائل : ماشى يا سيف ثوانى أركن بس العربية عشان أعرف
أدور فيه كويس

- سيف : ماشى بس بسرعة

- وائل : أهو خلاص ركنت العربية خليك معايا ثوانى بقى
فى folder كامل لأغانى (آدم رسلان) فى حوالى ١٢ ألبوم
أنت بقى عايز أنه ألبوم فيهم

- سيف : لأ معرفش أسمه أيه

- وائل : هو فيه ألبوم مكتوب عليه New مش عارف بقى إذا
كان هو ولا لأ

- سيف : أدخل عليه طيب

- وائل : دخلت

- سيف : فى أغنية بقى شوفها موجودة فيه ولا لأ اسمها

(live without you I cant)

- وائل : اه موجودة أهى أشغلها نسمعها دى شكلها حلوة

- سيف : لأ أوعى تعمل كده أنا خلاص كده أتأكدت بس لازم

يبقى فى دليل أكثر أقفل اللاب ده وتخلي المهندس بتاع

الكمبيوتر يعرفلى آيه آخر حاجة أشتغلت على اللاب ضرورى
وائل وأستعجله على قد ما تقدر
وائل : حاضر يا سيف سلام

أغلق سيف المكالمة مع وائل وهو يسير بسيارته على أقصى
سرعة وظل يفكر فى سر هذه الأغنية هل بها سحر يجعل من
يسمعها يصاب بالمس ويكون مصيره القتل وأمام الناس
إنتحار أم أنه شئ آخر غير متوقع وإذا كان فعلا" بها تعويذه
فمن فعل هذا أسئلة حائرة لابد أن يكون لها أجابة ولكن أولى
الأولويات إيقاف سماع ذلك الألبوم ولكن كيف فمن المؤكد أن
ملايين حملوا ذلك الألبوم خصوصا" أن (آدم رسلان) من
أشهر المطربين ولديه الكثير والكثير من المعجبين الحل
الوحيد الآن نزول تحذير فى كل القنوات التلفزيونية والجرائد
والسوشيال ميديا من سماع ذلك الألبوم قطع تفكيره رنة هاتفه
العميد هشام يتصل

- العميد هشام : الحالة السابعة يا سيف باشا يا سيف بيه
وأنت لحد دلوقتى معملتش حاجة ومجبتلش نتيجة واحدة
الوزير كل نص ساعة يكلمنى و المواقع بتاعت الفيس بوك
وتويتر بتاعت العيال الصيع ملهاش كلام غير عن الموضوع
ده عايز تقرير منك حالا" للى وصلته يكون على مكتبى
- سيف : أنا وصلت لأهم خيط فى القضية دى يا هشام باشا
- العميد هشام : آيه هو يا سيف

- سيف : فى ألبوم أغانى لسه نازل انه ارده الصبح بتاع مطرب أسمه (آدم رسلان)

- العميد هشام : اه أعرفه اللى بيقولو عليه نجم الشباب
- سيف : بالظبط يا فندم ... الألبوم ده فى أغنية كل الشباب
اللى إنتحروا دول يا هشام باشا كانوا بيسمعوها قبل ما ينتحروا بثوانى

- العميد هشام : إنت عقلك خف ولا إيه يا سيف البوم إيه
وأغنية إيه اللى بتموت دى سيف لو بتعمل كده عشان أخليك
تسيب القضية وترجع تكمل أجازتك تبقى غلطان لأنى لو هسند
القضية لحد غيرك هخليك تبقى معاه فيها وتساعده ،أشتغل
صح عشان مقلبش عليك لأن صبرى خلاص نفذ

- سيف : يا سيادة العميد والله اللى بقوله لحضرتك هو ده اللى
حصل

- العميد هشام : وأنت عرفت أزاى بقى يا سيادة المقدم كنت
قاعد معاهم قبل ما ينتحروا وشوفتهم بيمسعوا الأغنية دى
- سيف : ده الكلام اللى قاله "حسن مصطفى" الحالة بتاعت
أسكندرية

- العميد هشام : ما هو لازم يقول كده عشان يطلع نفسه
مجنون وما يتحكمش أكيد محامى اللى قايله فى إيه يا سيف
أنت محسنى أنك لسه متعين ظابط جديد

- سيف : ده الكلام اللى قالوه كل الأهالى إن أولادهم كانوا
بيسمعوا أغانى قبل الأنتحار وأنا خلّيت وائل يجيب اللاب توب
بتاع "علا محمد المهدى" الحالة بتاعت السويس وخليته

يفتش فيه ولقى الألبوم موجود وهو دلوقتى على وصول
وهيدخل الابل ل مهندس الكمبيوتر عشان نعرف إيه آخر
حاجة أشتغلت عليه

- العميد هشام : سيف الكلام اللى أنت بتقوله ده خطير
- سيف : أنا مسئول عن كل كلمة بقولها لحضرتك يا سيادة
العميد بس الألبوم ده لازم محدش يسمعه عشان نقدر نحمل
أرواح الناس من الخطر ده دى حاجة بتهدد أمن الوطن
- العميد هشام : نوقف سماعه أزاى

- سيف : الألبوم الناس خلاص حملته مقدمناش حل غير أننا
ننزل تحذير على كل القنوات و الجرايد وصفحاتنا الرسمية
على مواقع التواصل نحذر الناس من سماع الألبوم ده لأنه فى
سحر معمول

- العميد هشام : كل اللى أنت قولته ده انا مقدرش أأخذ فى
قرارات من نفسى وأصلا مينفعش أعمل حاجة فيه لأنه خارج
سلطاتى

- سيف : أنا عارف يا هشام باشا اننا جهة تحقيق مش فصل
لكن لازم نتحرك لأن دى حاجة بتهدد الأمن العام

- العميد هشام : أنا هكلم سيادة الوزير حالا" وأشرحله
الموقف ولو إنى عارف أنه مستحيل هيصق كلامك ده
وهيضحك علينا بس لأن ده الخيط الوحيد مضطرين نمشى
وراه أنا هتفق مع سيادة الوزير على عقد أجمع طارئ معاه
ومع القيادات تشرحنا فيه التفاصيل بشكل أوضح وناخد
القرارات اللى هنفذها

- سيف : تمام يا فندم شكرًا"
- العميد هشام : هتصل بسيادة الوزير وأبلغك
- سيف : أنا قدامى أقل من ساعة إلا ربع بأذن الله وأكون قدام
حضرتك فى المكتب

أنهى سيف مكالمة العميد هشام وظل فى طريقه يسير سريعاً"
يحاول الاستفادة من كل دقيقة تمر حتى جاءه اتصال من وائل
- سيف : أياه يا وائل وصلت
- وائل : اه أنا وصلت وسلمت اللاب توب ل مهندس الكمبيوتر
- سيف : طب تمام أستعجله على قد ما تقدر وأنا خلاص
قدامى ربع ساعة
وأكون عندك وأعمل حسابك مفيش حاجة أسمها تروح- وائل
: ما أنا عارف هى دى أول مرة أشتغل معاك فى قضية ده
كفاية قضية فيلا ٣٢١ دى الى مكملتهاش بعد ما قعدتني ٣
ايام من غير نوم وفى الآخر قيدتها ضد مجهول
- سيف : سيبك من فيلا ٣٢١ دى كانت قضية فاشله وخلينا
فى الى أحنا فيه ركز مع المهندس وشوفه هيوصل لأيه لحد
ما أجيلك سلام
- وائل : سلام

ظل سيف فى طريقه مسرعاً" بعدما أنهى مكالمته مع وائل الى

أن وصل إلى جهاز الأمن الوطنى فوجد وائل يجرى عليه
- وائل : أيه يا سيف كل ده الوزير وكل القيادات جوه قاعة
الاجتماعات مع العميد هشام بيشرح لهم اللي أنت قولته
والوزير أتعصب أوى من كلامه وخلانى أستأذنت عشان أطلع
أكلمك

- سيف : طب يلا ندخل بسرعة بس قولى مهندس الكمبيوتر
طلع آخر حاجة كانت على الجهاز
- وائل : كل اللي ينفع يعملته أنه جاب ال history بتاع
الدونلود وفعلا آخر حاجة أتحملت ألبوم آدم رسلان وآخر بلاى
لست أشتغلت على مشغل الموسيقى winamp كانت الألبوم
- سيف : طب تمام أوى هات اللاب وتعالى على القاعة

ترك سيف وائل يذهب ليأتى ب جهاز اللاب توب الخاص ب
"علا محمد المهدى" ودخل إلى قاعة الاجتماعات
- سيف : مساء الخير

- العميد هشام : أهو المقدم سيف المكلف بالتحقيق فى القضية
وصل

- الوزير : أيه يا سيف التأخير ده أنا نزلت مخصوص لما
العميد هشام قالى إن فى نتائج ولازم تتقال فى اجتماع وجيت
والاجتماع كان الساعة ٢ أنت تيجى الساعة ٢ ونص بعد
وزيرك وقياداتك

- سيف : أسف يا سيادة الوزير بس أنا كنت فى أسكندرية بحقق مع شاب من الشباب اللي أنتحروا وخلصت التحقيق معاه وجيت على هنا على طول
- الوزير : الكلام اللي أنت قولته لهشام ده مش مقتع نهائى وأنت معندكش عليه أدله عايزنى أزاى اخد بيه
- سيف : يا سيادة الوزير الأدلة اللي عندى أولا " شهادة "حسن مصطفى" الحالة بتاعت أسكندرية وثانيا
- الوزير يقطع كلام سيف : شهادة الولد ده ميعتدش بيها يا سيادة الظابط لأنها مجروحه هعرفك شغلك من أول وجديد ولا ترجع الكلية تانى
- سيف : حضرتك دى دليل لأن أهالى الشباب اللي إنتحروا كلهم قالو نفس الكلام وفى لاب توب بتاع منتحره معايا وأنا خلّيت مهندس الكمبيوتر
- قطع كلام سيف دخول الرائد وائل المفاجئ مسرعا " وبدون أستاذان
- وائل : أسف لحضارتكم دخلت من غير أذن بس فيه خبر مهم أتنشر دلوقتى على اليوم السابع والوطن
- الوزير : خبر أيه اللي يخليك تقطع أجمع بالأسلوب ده
- وائل : فى بنت فى الجزائر عندها ٢٠ سنة أنتحرت بنفس الطريقة وصورة نفس السكينة منشورة

الحلقة الخامسة



ساد الأستغراب وعلامات الحيرة على وجوه الجميع بعد علمهم من وائل بأن الحالة الثامنة وقعت بالجزائر مما أزداد أصرار سيف على رأيه

- سيف : المفروض كده حضرتك تصدقنى يا سيادة الوزير
- الوزير : يا سيف أصدق أية بس كل كلامك مفيش عليه دليل
مادى واحد والناس اللى قالت كده كلهم شهادتهم مجروحه واللاب اللى معاك مش دليل يعنى لو عملنا اللى أنت بتقول عليه ده شركة الإنتاج والمطرب بتوع الألبوم ده هيرفعوا قضية على الوزارة وهيكسبوها من أول جلسة وياخدوا التعويض اللى هما عايزينه هات الدليل وأنا هوقفلك الألبوم ده وهشيله من السوق والمواقع بس هات دليل واحد أو موافقة كتابية من شركة الإنتاج والمطرب بنزول التحذير

- سيف : حاضر يا سيادة الوزير
- الوزير : شد حيلك شوية يا سيف عايز أدلة مادية ونتائج فى أقل وقت ممكن
- حاضر يا فندم تحت أمرك

أنتهى الأجمع وخرج الجميع من قاعة الأتماعات وظل سيف والعميد هشام و وائل
- العميد هشام : مش قولتلك يا سيف إن كلامك ده محدش هياخد بيه أدبك بدل ما تحلها زودت الطينة بله بص يا سيف

أنا مش همشى ورا دماغك تانى عايز بعد كده أدلة مادية زى
ما سيادة الوزير قال

- سيف : حاضر يا سيادة العميد

قام الجميع للأنصراف وتحدث سيف إلى وائل أمام باب قاعة
الاجتماعات

- سيف: عايزك تتصرف وتجبلى رقم اللى أسمه (آدم رسلان)
ده حالا"

- وائل : أهدى يا سيف عشان تعرف تشتغل

- سيف : أنا هادى يا وائل أنا هدخل المكتب وأنت روح ما
ترجعش غير بالرقم وعنوانه

- وائل : حاضر يا سيف

ذهب وائل ودخل سيف إلى مكتبه جلس على كرسى مكتبه
وامامه كرسى آخر وضع قدمه عليه وظل يفكر فيما حدث فى
الساعات التى مرت وعدد الشباب الذين راحوا ضحايا أغنية
مسحورة يسمعون الأغنية ولا يعلمون أنها مسكونة فيصبحوا
ضحايا ويتهمهم المجتمع بالانتحار ظل سيف فى جالسا
يكاد يقتله التفكير إلى أن طرق الباب وقد كان وائل

- سيف : ادخل

دخل وائل و بيده ورقة

- وائل : ده رقم وعنوان (آدم رسلان)

- سيف : الله ينور يا وائل

أخرج سيف هاتفه لكى يتصل به

- وائل : أنت هتكلمه دلوقتى يا سيف

- سيف : اه
- وائل : الساعة ٣ ونص الفجر
- سيف : تكون زى ما تكون كل ثانيه بتفرق ولا عشان ينام هو الناس تموت
- أنتهت الرنة ولكن دون رد فعاود سيف الاتصال مرة لآخري
- سيف : الو
- آدم : الو مين معايا
- سيف : انا المقدم سيف عبد السلام من الأمن الوطنى يا أستاذ آدم
- آدم : أهلا سيف باشا فى حاجة ولا آيه
- سيف : اه بصراحة كنت عايز أقابلك دلوقتى ضرورى
- آدم : دلوقتى هو فى حاجة حضرتك
- سيف : فى موضوع مهم حابب أدرش فيه معاك شوية
- آدم : موضوع آيه
- سيف : أنا دلوقتى أجيلك وأحكيلك كل حاجة بالتفصيل أنت فى البيت صح
- آدم : اه فى البيت
- سيف : العنوان بتاعك مدينة نصر الحى السابع فيلا ٢١١
- مش كده
- آدم : اه مضبوط بس ياريت حضرتك تفهمنى فى آيه أبقى عارف لأن حضرتك قلقتنى أوى بصراحة
- سيف : أما تجيلك هتعرف

أنهى سيف أتصاله ب آدم حسنى وترك مكتبه ونزل مسرعا"
ليذهب إليه ركب سيارته و أنطلق بأقصى سرعة حتى وصل
أمام فيلا (آدم رسلان) نزل من سيارته ودخل إلى داخل
الفلا ليجد آدم رسلان فى أنتظاره

- سيف : مساء الخير يا أستاذ آدم
- آدم : مساء النور يا سيادة المقدم
- سيف : أنا أسف طبعاً " أنى جيت لىك فى وقت غير مناسب
وأتصلت كمان فى وقت غير مناسب
- آدم : ولا يهملك يا سيف باشا أنت تشرف فى أى وقت بس
أستاذنك أیه الموضوع الى حضرتك جاى عشانه وفى الوقت
ده

- سيف : أنت فيه ألبوم لسه نازل انهارده لىك صح

- آدم : اه هعيش دنيتى

- سيف : فى أغنيه أسمها

(t live without you'i can)

- آدم : مضبوط

- سيف : تمام فى حاجة غريبة جدا بتحصل من ساعة ما
الألبوم بتاعك نزل

- آدم : حاجة غريبة أزاى يعنى

- سيف : انهارده حصل ٨ حالات إنتحار من بعد الألبوم بتاعك
ما نزل

- آدم : لا حول ولا قوه الا بالله ده كفر بالله يا سيف باشا
بس إيه علاقة الألبوم بتاعى

بدأ سيف يحكى إلى آدم ما حدث فى التحقيقات فى ٧ حالات إنتحار التى حدثت فى مصر وإن فى كل الحالات كان هؤلاء الشباب يسمعون أغنيته

(t live without you'i can)

قبل إنتحارهم بثوانى وحكى له ما قاله "حسن مصطفى" وما وجده على جهاز اللاب توب الخاص بـ "علا محمد المهدى"
- سيف : ده كل اللى حصل انهارده

- آدم : بصراحة أنا مش فاهم هو حضرتك تقصد أن الأغنية السبب

- سيف : أنت شايف أيه

- آدم : بص حضرتك الأغنية دى كانت متعبه جدا "فعلا"
تثناء تسجيلها وحصل ل كل فريق العمل حاجات غريبة فيها
بس موصلتش لقتل وإنتحار زى ما حضرتك بتقول
- سيف : حاجات غريبة إزاي

- آدم : مش فاكّر حاجات كتير بس كل الأحداث كانت أحداث
فرديه يعنى مثلا "كريم شوقى" ملحن الأغنية حكاى إنه كان
بیشوف خيال حد حواليه وهو بيلحن الأغنية
- سيف : وإيه تانى

- آدم : "احمد يوسف" الموزع حكاى عن موقف غريب
ويمكن ده أصعب حاجه اتحكلى لدرجة إنى كنت هوقف
الأغنية دى

- سيف : حكاك أيه

- آدم : كان شغال على التوزيع وبيدندن كلمات الأغنية والنور

انقطع مرة واحدة فشغل الكشاف بتاع شقته لكن أتطفئ برضو فأضطر أنه يشغل كشاف الموبايل سمع صوت باب الحمام بيتقفل ويتفتح كذا مرة أفكر من الهوا بتاع بلكونة الرسبشن قام يقفل شباك البلكونة أتفاجئ أن النور مقطوع عنده لوحده لما حس أن فى حاجة غريبة شغل قرآن على موبايله النور جيه فى ساعتها لكن جوه الحمام لقي سكينة شكلها غريب مرمية على الارض قالى إنه كان أول مرة يشوفها

- سيف : سكينة شكلها أيه

- آدم : لأ بصراحة مشوفتهاش

- سيف : فى أيه تانى حصل

- آدم : بعد اللي حكهولى "احمد يوسف قررت أن الشغل

بتاعنا كله يبقى فى الاستوديو وأن محدش يشتغل لوحده

عشان لو فى عمل معمولنا وجبت شيخ قرأ قراءن والحمد لله

فضلنا شغلين فى الألبوم لحد تسجيل الأغنية دى التسجيل كان

أصعب تسجيل أغنية فى حياتى الكهربا قطعت وقت كبير ولما

جت المايك فرقع غيرنا المايك صوتى كان بيطلع فى المايك

الجديد وحش جدا فضلنا نعيد حوالى ٤ ساعات لحد ما الحمد

لله قدرت أخلص الأغنية

- سيف : مين أشتغل معاك فى الأغنية دى

- آدم : الأغنية دى كلماتى ألحان "كريم شوقى" وتوزيع

"احمد يوسف" مهندس صوت "احمد مصطفى" بس باقى

الناس اللى أشتغلوا هما العمال والناس اللى شغالة فى

الاستوديو

- سيف : طب الأغنية دى لازم ينزل تحذير من سماعها لأن واضح أن حد عامل فيها سحر أو قارئ عليها تعويذه وأنا بصراحة مش هينفع أعمل ده من غير إقرار كتابى منك ومن شركة الإنتاج بالموافقة على نزول التحذير

- آدم : ولو إن حاجه زى دى هتأثر على سمعتى وعلى مبيعات الألبوم بس أنا بعد اللى سمعته من حضرتك وإن الموضوع بيمثل سلامة أهل بلدى أنا معنديش مانع وهمضى لحضرتك على إقرار كتابى منى ونيابة عن شركة الإنتاج برضو وهكلم تدمن صفحتى على الفيس بوك وتويتر ينزل تحذير على لسانى

- سيف : أنا متشكر جدا" على موافقتك عارف إن دى حاجة هتأثر على أسمك بس تضحيتك دى دليل على وطنيتك وحبك لأهل بلدك

- آدم : ده أكيد يا سيف باشا

- سيف : تفتكر مين يكون عمل السحر ده وهدفه أيه

- آدم : معرفش بصراحة أنا علاقتى فى الوسط محدودة على ناس معينة لكن تكيد أى حد بينجح بيبقى ليه أعداء متخفين وجايز أوى يكون قريبين وأنا معرفش مقدرش أتهم حد معين أنه يكون عمل كده لكن الهدف واضح أخسر اليوم ممكن يزود شعبيتى ونجاحى اللى وصلته

- سيف : السنين اللى فاتو كنت رقم أثنين فى مصر على مستوى الغناء بعد "أياد كرم" لكن فى اخر سنتين أسمك أتحط جنبه والمقارنات بينكم زادت

تفتكر دى حاجه ممكن تخليه يعمل كده فيك

- آدم : زى ما قولت لحضرتك أنا بتجمعنى علاقة طيبة مع الناس فى الوسط بتاعى ومغديش خلافات مع حد والمقارنات اللى بتحصل دى أنا ماليش يد فيها دى مقارنات بين المعجبين "أياد" تاريخ كبير وأحنا كلنا بنتعلم منه

- سيف : تمام عموما انا هسيبك دلوقتى وأمشى لو فى أي حاجة حصلت أو أفكرتها ياريت تبلغنى على طول

- آدم : تمام يا سيف باشا وأنا من ناحيتى هخلى أدمنز الصفحات الرسمية بتاعتي تنزل التحذير حالا " شرفتني يا سيف باشا

خرج سيف من فيلا " آدم رسلان " بعد ما تأكد من وجود سحر فى تلك الأغنية لكن اللعنة ستنتهى بمجرد نزول التحذير من سماعها و لكن لابد من معرفة من قام بعمل هذا السحر ليأذى به " آدم رسلان " ويروح ضحاياه ثمانية من الشباب هل "أياد كرم" أم مطرب آخر تم أحد من خارج الوسط الفنى ف آدم رسلان من المطربين الناجحين فى وقت قصير ولديه المذيد من الكارهين ركب سيف سيارته عائدا " إلى مكتبه وفى طريقه أخرج هاتفه وأتصل ب وائل

سيف : عايزك تشوفلى دجال كويس نروحله من غير ما يعرف أننا ظباط

وائل : دجال هتعمل إيه بيه يا سيف

سيف : هنفهم منه أيه اللى موجود فى الاغنية دى بالظبط

الحلقة السادسة



أنى سيف أتصاله ب وائل بعدما طلب منه أن يعرف له مكان
أحد الدجالين ثم أتصل ب العميد هشام

سيف : الو أيوه يا سيادة العميد
العميد هشام : أيوه يا سيف فى جديد عندك
سيف : أنا جبت من المطرب ((آدم رسلان)) موافقه كتابية
على نزول التحذير
العميد هشام : تمام يا سيف أنا هبلغ سيادة الوزير دلوقتى
عشان التحذير ينزل
سيف : تمام يا سيادة العميد
العميد هشام : بس عايزك تبقى عارف أحنا كده كلنا مشين
ورا دماغك وهنزل التحذير يعنى لو فى حالات أنتحار تانى
حصلت هتبقى أنت سبب من أسباب أننا مقدرناش نحميه
ووقتها حسابك معايا هيبقى عسير يا سيف
سيف : أوامر معاليك يا هشام باشا

أغلق سيف المكالمة مع العميد هشام و هو أمام منزله أخرج
مفتاح المنزل ودخل بهدوء كى لا يوقظ زوجته مريم وأبنة
ولكنه وجد زوجته مريم جالسه تشاهد التلفزيون فجلس
بجانبيها

سيف : أيه يا حبيبتي الى مصحيكى لحد دلوقتى

لم تعير مريم أى أنتباه إلى سيف
سيف : أنا عارف أنى مقصر فى حقك بس والله غصب عنى
الشغل بتاعى مفيهوش هزار وأنا مسئول عن حماية
الناس والقضية اللى طلبونى فيها كبيرة
مريم : ماشى يا سيف أنا مقولتكش حاجة
سيف : أنتى مراتى أم أبنى اللى بحبها واللى متأكد أنها بتحبنى
وهتستحملنى و أوعدك أول ما القضية دى تخلص هاخذ أجازة
طويلة ونسافر أى مكان تختاريه بره مصر كلها بس لو ينفع
أقول رأيى يعنى نروح أسوان عشان نرجع أيام شهر العسل
تانى

مريم : بجد يا سيف
سيف : اه والله يا حبيبتى
مريم : طب القضية دى هتخلص أمتى
سيف : أدعيلى لأنها قضية صعبة وخيوطها كلها متكعبة
مريم : ربنا معاك يا حبيبى أحضرك أكل
سيف : لأ مش هقدر خالص والله ... أنا جعان نوم هدخل أنام
شويه ... انتى مش هتنامى
مريم : لأ انا نمت ولسه صاحيه قبل ما تيجى بشوية
سيف : تمام صحنى الساعة ٨ بقى
مريم بأبتسامة : حاضر يا حبيبى تصبح على خير

دخل سيف غرفته وقام بتغير ملابسه ونام ولكنه لم يستمر
طويلا" فى النوم أستيقظ مفزوعا" بعد نصف ساعة فقط
أرتدى ملابسه وخرج من غرفته مسرعا"
مريم : أياه اللى صحاك يا سيف
سيف : مفيش يا حبيبتي أنا هنزل أروح الشغل
مريم : أنت ملحقتش ترتاح
سيف : معلىش فى حاجة مهمة لازم أعملها

نزل سيف سريعا" من منزله وركب سيارته متجها" إلى
مكتبه وأثناء الطريق أتصل ب وائل
سيف : أياه يا وائل أنت فين؟؟
وائل بصوت نائم : أنا فى البيت يا سيف
سيف : طب قوم أنزل يلا وتعالى على المكتب
وائل : يا سيف ده أحنا ملحقناش ننام ساعتين على بعض
سيف : معلىش يا وائل يلا تعالى بسرعه
وائل : حاضر يا سيف
سيف : عرفتلى مكان دجال
وائل : اه يا سيف فى واحد أختى قالتلى عليه كانت واحدة
صاحبته راحت له عشان مبتخلفش
سيف : ماشى يا وائل أنجز أنا هستناك نص ساعة وتبقى
عندى سلام

أغلق سيف مكالمته مع وائل وأتجه إلى مكتبه وما إن وصل
طلب من ساعي المكتب فنجان قهوه وظل ينتظر وائل حتى أتى

...

وائل : هو أنا مفيش قضية أشتغل فيها معاك إلا أما تعذبني
فيها

سيف : يلا عشان نروح للدجال

وائل : دجال مين دلوقتى يا سيف الساعة لسه ٧ وبعدين أحنا
مش كنا متفقين نيجى الساعة ٩ ، نزلتنا بدرى ليه هو أنت ليه
مبتحبش النوم

سيف : نمت نص ساعة بالظبط وصحيت بسب كابوس مش
مخلينى عارف أفكر

وائل : كابوس أيه ده

سيف : حلمت إنى واقف قدام مرايا لكن شايف فيها حاجات...
شايف فيها مكان مظلّم مش باين فيه حاجة غير شبح مش
باينله معالم جسم أنسان و وش أنسان لكن تحس أنه خيال حد
.... فضل يعيد جملة

(I can't live without you)

وفضل يقرب منى بخطوات بطيئه لحد ما بقى الفرق بينى
وبينه ٣ أو ٤ خطوات فضل باصص ليا فترة مش طويلة أبتسم
أبتسامة ثقة صوت ضحكته هزت الارض اللى واقف عليها
وقالى جملة

(لا تقترب أكثر من ذلك فالأقتراب معناه الانتحار)

ورجع الخطوات اللى قربها تانى وأختفى صحيت من النوم
مفزوع عشان كده بقولك لازم نروح للدجال ده بأسرع وقت
ممكن

وائل : فى أيه يا سيف ده حلم أنت خايف ولا أيه
سيف : مش خايف بس حاسس إن الحلم ده ليه علاقة
بالقضية خصوصا بعد ما جملة

(t live without you'i can)

أتكررت

وائل : ده حلم من عقلك الباطن وطبيعى جدا " لأنك شاغل بالك
بالقضية مش أنا اللى هعرفك ياسيف

سيف : أنا فاهم كل اللى أنت بتقوله ده بس برضو عايز أروح
للدجال ده بدري الساعة دلوقتى ٨ الساعة ٩ نتحرك من هنا

وائل : ماشى يا سيف

سيف : فى كام واحد كده عايزين نسألهم على الأغنية

وائل : مين بالضبط

سيف : "كريم شوقى" ملحن الأغنية و"احمد
مصطفى" مهندس الصوت و"احمد يوسف" موزع الأغنية و
أحمد يوسف) ده أهم واحد فيهم

وائل : تمام يا سيف تحب نستدعيهم

سيف : بعد ما نرجع من عند الدجال تجيلى أرقامهم نكلمهم
ونجيبهم بشكل ودى مش رسمى عشان مش عايزين مشاكل
لحد ما نوصل لأى حاجة

وائل : تمام

سيف : يلا ننزل نروح بقى للدجال ده وفى الطريق نكمل كلامنا

نزل سيف و وائل من جهاز الأمن الوطنى وركبوا سيارة سيف متجهين نحو الدجال وتحديثوا أثناء الطريق

سيف : أنت متأكد إن الدجال ده ليه فى حوارات الجن والشعوذة دى ولا هيطلع نصاب

وائل : بقولك صاحبة أختى حملت بسببه

سيف : تمام هنشوف

وائل : تفتكر يا سيف اللى بيحصل ده أيه سببه

سيف : تصفية حسابات وبتعك على الناس وعلينا

وائل : تصفية حسابات أزاى

سيف : حد عمل سحر للأغنية دى عشان يوقع نجومية آدم ده

وائل : طب و هو فى حد توصل بيه الوساخه للدرجة دى

سيف : اه فى كتير الشهرة بتعمى

وصل سيف و وائل إلى مكان إقامة الدجال قبل الدخول وجدوا

سيده تقف أمام الباب وكأنها سكرتيرة له

سيف : عايزين ندخل لـ المتوكل

السيده : أسمه مولانا سيدى المتوكل

سيف : مولانا و سيدك

السيده : ومولاك وسيدك أنت كمان

سيف بمسك أعصابه : ماشى سيدنا ومولانا عايزين ندخل بقى

السيدة : ٢٠٠ جنيه دخول وبعد ما تدخل هنعرف طلبات
مولانا أيه عشان تتنفذ
سيف : ٢٠٠ زفت اهم أخلصى بقى

دخل سيف و وائل إلى الدجال المتوكل فى غرفة من الطوب
الأبيض عليها رسومات لأشكال غريبة مربعات بداخلها حروف
وأرقام والدجال يجلس على كرسي ينظر إليهم بأبتسامة
ساخرة من تعجبهم للمكان
المتوكل : أول مرة تيجوا لدجال
سيف : اه

المتوكل : تعالى يا سيف
سيف : أنت عرفت أسمى أزاى
المتوكل : مكتوب على جبينك يا سيف أقعد وأحكى اللي عايز
تحكيه وبإذن ملوك الجان كل حاجة هتتحل
سيف : ملوك الجان أيه الكفر ده
المتوكل بنظره شديدة الرعب : بلاش تغلط عشان ميتقلبش
عليك

سيف : ولا أغلط ولا مغلطش أنا جايلك فى سؤال صغير
وهمشى وتجاوبنى عليه
المتوكل : أسأل

سيف : فى أغنيه نزلت فيها جملة أى حد يسمعها بينتحر

المتوكل : بتقول أيه الجملة دى

الحلقة السابعة



رفض سيف و وائل أن يسمعا الأغنية مع الدجال المتوكل وتم
الاتفاق بينهم على أن يتركوا الدجال يسمع الأغنية وحده
وخرجوا خارج الغرفة في انتظار أن ينتهي الدجال من سماع
الأغنية وأستدعائهم ليخبرهم بالسحر الموجود في الأغنية
أشعل سيف سيجارة وأعطى لوائل سيجارة أخرى وظلوا
بالخارج ينتظرون

وائل : أياه رأيك في اللي بيحصل ده

سيف : رأيي أنه نصاب وميعرفش حاجة أصلا

وائل : هنشوف هيعمل أياه دلوقتي

سيف : هو أتأخر ليه كده دي أغنية ٤ دقائق بقاله ربع ساعة
دلوقتي

وائل : معرفش بس يمكن بيعمل شغل من بتاعه ده

سيف : لأ أنا مش قادر أستنى يلا ندخل

وائل : أحنا أتفقنا أنه هينادي علينا لما يخلص ودخولنا مش
مضمون خطورته

سيف : أنا هدخل هتيجي معايا ولا لأ

وائل : تأكيد هدخل معاك أنت رئيسي في الشغل

سيف : اللي بنعمله ده خارج أساسيات الشغل يعني لو قلقان
تدخل خليك

وائل : هدخل معاك ياسيف

دخل سيف و وائل إلى غرفة الدجال مرة أخرى ليتفاجأ بما
حدث وجدوا الدجال المتوكل على الأرض مذبوح وبجانبه نفس
سكينة الانتحار وبجانب السكينة كتاب !!

وائل : معناه أياه ده !

سيف : مش قولتلك نصاب وكان فاكر أن مفيش سحر وأنا
موهمين وأنه لما يسمع الأغنية عادى مش هيجصله حاجة

وائل : طب وبعدين

سيف : يلا بينا نطلع ونكلم الأسعاف تيجى تشيله توديه
المشرحة جنب الباقي

ذهب سيف و وائل للخروج ولكن قبل أن يخرجوا لمح سيف
ورقة فى يد

الدجال أخرج منديل من جيبه ومد يده وأخذ الورقة

سيف : معناه أيه الكلام ده

وائل : ورينى كده

(ive without you I can)

كلام ب لغه غريبة بس إيه طلسم روما اللى تحت الكلام
دى

سيف : هى دى الكلمة اللى مش فاهمها أحنا غلطنا لما خرجنا
وائل : غلطنا أزاى كنت عايزنا نستنى ويبقى مصيرنا شبه
المتوكل

سيف : طلسم روما الجملة دى معناها أن السحر فعلا"

معمول بره مصر تعالى نتخيل اللى حصل

الدجال سمع الأغنية و وقف عند نفس الجملة

(t live without you I can)

كتبها فى الورقة وبدء يحاول يحل التعويذه اللى باينة قدمنا
دى واللى هى الكلام الغريب اللى كتبه واللى قدرت توصله
أن السحر أتعمل فى روما و بطلسم أسمه طلسم روما بس
فى الوقت ده كان الجن اللى أتحضر أقوى من الجان اللى هو

مسيطر عليهم وقدر يدبجه بمعنى أصح اللي حصله ده
بسبب انه لعب مع الأكبر منه الكتاب ده فيه سر الطلسم اللي
أعمل بيه السحر أحنا هناخد معانا و نحاول نشوف دجال تانى
.... يلا بينا

خرج سيف و وائل ومعاهم الورقة والكتاب ليقابلان السيدة
المساعدة للدجال بالخارج

السيدة : مولانا عملكم اللي انتوا عايزينه
سيف : أمشى يا ست أنتى من هنا دلوقتى بدل ما أخذك معايا
أرميكى فى الحبس
السيدة : أنت كده مبتحترمش مولانا سيدى المتوكل وكده غلط
عليك

سيف : سيدك المتوكل مدبوح جوه وأنا بديكى آخر فرصة لو
مغورتيش من قدامى دلوقتى هرمىكى فى الحبس وهلبسك
تهمة قتل سيدك

ذهبت مساعدة الدجال خوفاً من سيف وأتصل سيف
بالأسعاف لنقل جثة المتوكل إلى المشرحة وذهب هو و وائل
إلى الجهاز

سيف : عايزك تجبلى من شركات الطيران سجلات أسماء كل
اللى راحوا روما الفترة بتاعت ال ٣ شهور اللي فاتوا
وائل : حاضر يا سيف

سيف : عايزك كمان تشوفلى مين فى المطربين عنده طيارات

خاصة ورحلات الطيران الى عملوها فى الفتره الأخيرة
وائل : ماشى يا سيف الملحن "كريم شوقى" موجود بره
سيف : طب تمام جه بدرى خليه يدخل حالا
خرج وائل ودخل الملحن "كريم شوقى" المكتب أستقبله سيف
وطلب له فنجان قهوة
سيف : طبعا" أنا أسف أنى جبتك لحد هنا بس الوقت مش فى
صلحى أنى أروح لحد
كريم : أنا عارف ومقدر ده جدا الجرايد والمواقع ملهاش
كلام غير عن موضوع الأغنية دى
سيف : تمام أنت أيه رأيك فى اللى حصل ده
كريم : والله معرفش بالضبط بس الأغنية دى فعلا" كانت
غريبة جدا" وأحنا بنشتغل فيها ومشاكلها كانت كتير
سيف : أزاي يعنى أيه اللى حصل
كريم : حاجات كتير يعنى أنا مثلا" فى تلحين الأغنية
واجهت صعوبة ما عدتش عليا قبل كده
سيف : صعوبة أيه
كريم : الأغنية دى أنا قعدت مع آدم من حوالى ٦ شهور
وأتفقنا تنى أنا اللى هلحنها أخذت الكلمات منه فى العادة
أنا لما بشتغل فى أغنية جديدة بخلصها فى فترة من أسبوع ل
١٠ ايام الأغنية دى فضلت ألحن فيها ٥ ٤ يوم بالتمام والكمال
كل ما أبدأ أشتغل فيها تحصل حاجة توقفنى ولما بدأت أشتغل
وأحضر التيمة خلصت أول كوبليه أو المطلع بسهولة جدا"
والمذهب او السنيو بردو كان سهل معايا لحد ما وصلت

للكوبليه التانى
سيف : اللى فى جملة

(t live without you'i can)

كريم : بالظبط الكوبليه ده أخذت فى تلحين التيمة بتاعته ١٠
أيام و دى حاجة غريبة عليا وعلى أى حد أنك تلحن تيمة
كوبليه فى الوقت ده كله
سيف : وبعدين

كريم : أنا من عادتى لما بشتغل على لحن اغنية بشتغل بليل
فى مكتبى لما بدأت ألحن الكوبليه ده بقيت بشوف حاجات
غريبة كل مرة أشتغل فيه يعنى مرة حسيت أن بره الأوضة فى
حد بيتحرك وعمال يروح ويجى

ومرة تانية سمعت صوت صرخة فى الحمام قومت جريت
ملقتش حاجة فى الحمام بس الغريب أنى لقيت سكىنة كنت أول
مرة أشوفها

سيف : فىن السكىنة دى

كريم : رميتها فى باسكت الزبالة هحتفظ بيها ليها

سيف : سكىنة زى اللى فى الصورة دى

كريم : اه هى

سيف : محستش أن فى حاجة غريبة بعد كل ده

كريم : كلنا حاسينا بس مكوناش فاكرين أن ممكن الموضوع
يوصل لكده أفكرنا أن فى حد عايز يعطلنا

سيف : يعنى كنتوا عارفين أن فى سحر حصل

كريم : لأ طبعا كل اللى جه فى بالناس أنه حسد أو كده يعنى

سيف : تفتكر مين عمل كده

كريم : أنا قريب جدا " من آدم وأصدقاء من زمان وأشتغلنا مع بعض كثير ومن أول ما ظهر وهو بيتهاجم عشان نجح فى وقت قصير وقدر يوصل للناس بسرعة و كل يوم كانت بتطلع عليه أشاعات أنه بيأجر بنات فى حفلاته وأنه مش عارف بيعمل أيه وأنه بيشتري جوايز ويعتبر أعداءه كثير فى ناس كثير مبتحبش تشوف حد بينجح

سيف : كل الكلام ده كويس بس مين توصل بيه العداوة للدرجة دى

كريم : فى الفترة الأخيرة زادت الخلافات بينه وبين المطرب "بسام بدر "

سيف : ليه

كريم : بسبب تصريح من "بسام " فى لقاء تلفزيونى ووصل بعدها الأمر بينهم لتهديد بالجوء للمحاكم ورفع القضايا وده اللى حصل فعلا " بعد ما آدم رفع قضية سب وقذف على "بسام"

سيف : ده من أمتى الكلام ده

كريم : من حوالى ٨ شهور

سيف : تمام يا كريم أنا أسف طبعا لو عطلتك بس ياريت لو فى حاجة نسيت تقولها تكلمنى على طول

كريم : ده أكيد طبعا

سيف : شرفتني

خرج الملحن "كريم شوقي" من مكتب سيف وعاد وائل
للدخول إلى المكتب فوجد سيف يحضر نفسه للذهاب
وائل : أنت ماشى
سيف : اه أنت كنت فين كل ده
وائل : مفيش كنت باكل لقمه كده وقولت أسيبكم تقعدوا على
راحتكم
سيف : تمام فى قضية رافعها "آدم رسلان" على "بسام
بدر" من حوالى ٨ شهور عايزك تجبلى تفاصيلها كلها
وائل : حاضر يا سيف
سيف : أنا هروح أريح جسمى شوية وأنت أعرفى اللى
قولتك عليه
وائل : طب و"احمد يوسف" اللى جاى الساعة ٨ ده
سيف : بجد مش قادر هروح وأحاول أرجع الساعة ٨ لو
مارجعتش أقعد أنت معاه وأفهم منه كل التفاصيل
وائل : حاضر مع السلامة

نزل سيف من المكتب وأتجه إلى منزله دخل المنزل ليجد
صمت تام....
دخل حمام المنزل ليجد على المرآة جملة
(t live without you'i can)
مما جعله يشعر بالقلق فنادى على زوجته مريم ولكن. دون

جدوى..... فدخل غرفة نومهم يبحث عنها ليجدها على الأرض
مذبوحة وبجانبها نفس السكينة وابنه مغمى عليه جانبها على
الأرض

الحلقة الثامنة



لم يتمالك سيف نفسه وأصيب بالأنهيار بعد أن رأى زوجته
مريم مذبوحه على الأرض وأبناه مغمى عليه بجانبها، ركع
على الأرض والدموع تملئ عيناه من صعوبة ما يراه أخذ
مريم فى حضنه و هو يعلم أنه الحزن الأخير الذى يحضنه لها
.... أخرج هاتفه وأتصل بالأسعاف لكى تأتى وظل يحضن مريم
إلى أن أتيت سيارة الأسعاف ونقلت مريم على المشرحة

وسياره أخرى تنقل أبنه على المستشفى للعلاج ثم عاد لأقامة
العزاء وبعد أنتهاء العزاء
تكلم العميد هشام مع سيف
العميد هشام : شد حيلك يا سيف ولأزم تعرف أن اللي حصل ده
ربنا كاتبه
سيف : الشده على الله يا هشام باشا وإن لله وهن إليه
راجعون
العميد هشام : عايز اللي حصل ده مياثرش عليك أنا عارف
أنك أقوى من كده وأنك هتقدر تخرج من اللي تنت فيه أنا مقدر
صعوبة اللي حصل معاك بس أنت لازم تبقى قوى وترجع
سيف اللي أنا أعرفه
سيف : إن شاء الله يا سيادة العميد
العميد هشام : هستناك بكره فى الجهاز عشان نتكلم فى
القضية
سيف : ربنا يسهل يا سيادة العميد

ذهب العميد هشام وجاء المطرب (آدم رسلان) إلى سيف
لتقديم العزاء
آدم : البقاء لله يا سيف باشا
سيف : ونعم بالله يا أستاذ آدم

آدم : أنا عرفت من صديقي الموزع "احمد يوسف" لأنه كان
عندكم انهارده فى الجهاز عشان طلبتوه ولما راح الرائد وائل
الدمياطى عرفه ولما قالى أصريت أجى أعزيك
سيف : كلك واجب يا أستاذ آدم
آدم : شد حيلك وأعرف لينا مين اللى بيعمل كده وإن شاء الله
فى أعلى درجات الجنة
سيف : ربنا يخليك يا أستاذ آدم سعيكم مشكور
آدم : ذنبكم مغفور

غادر الجميع العزاء و صعد سيف إلى منزله وما إن دخل ظل
يتجول فى أنحاء المنزل الذى أصبح خالى عليه فقد توفيت
زوجته وأبنة فى المستشفى مصاب بمرض عصبى
نظر إلى صورة زواجهم بحزن شديد وعاد بالذاكرة إلى أول
مرة يرى فيها مريم كيف لفتت أنتباهه وهى تجلس مع أسرة
كبيرة قبل أن يعرف أنهم أسرتان وتذكر كيف ترك عمله فى
هذا اليوم ولم يذهب وتحجج للعميد حاتم الدمنهورى بالمرض

يومها وبدأ فى تذكر أول حديث بينهم عندما حاول أن يوهمها
بأن لقائهم صدفة

سيف يتجول فى نادى الضباط إلى أن وقف أمام مريم
سيف : لو سمحتى يا أنسه
لم ترد عليه ولم تعيره أى انتباه
سيف : يا أنسه أنا مش عيل فيمص بيعاكس أنا بصراحة أول
مرة أجى النادى هنا
مريم : وإيه المطلوب
سيف : أيه هو اللى إيه المطلوب بقولك أول مرة أجى النادى
هنا

مريم : أيوه يعنى أعملك أيه أنا
سيف : بصراحة أنا جعان ومش لاقى حد هنا أجيب منه أكل
مريم : ما هو فعلا " مفيش حد تجيب منه تكل دلوقتى لأننا فى
نهار رمضان

هو حضرتك مش مسلم
سيف : لا والله أنا مسلم جدا " بس أصل أنا كنت فى السعودية
ولسه راجع انهارده الصبح وهناك قالوا أن العيد انهارده
معرفش انها أتغيرت فى مصر

مريم : رؤية ايه بالضبط انهارده ١٧ رمضان
سيف : أيه ده بجد والله الأيام بتجرى ده كان لسه أول يوم
أمبارح

مريم : أنت شكلك عايز تهزر و تعاكس
ثم تدارت وجهها وبدأت تستكمل طريقها فأوقفها سيف مرة
أخرى

سيف : يا أنسه عيب كده والله

أبتسمت مريم أبتسامة خفيفة ولكن لم يراها سيف ثم عادت
لتنظر إليه مرة أخرى

مريم : نعم

سيف : بقولك أول مرة أجي هنا عيب لما تسبيني وتمشى
مريم : أعملك إيه يعنى أنت عايز تهزر والعيب اللى أنت
بتعمله ده

سيف : والله ما عايز أهزر بس بصراحة مزنوق وعايز أدخل
الحمام

مريم : طب وأنا أعملك أيه فى ده يعنى

سيف : عايز أعرف طريقه منين

مريم : أهو فى الوش هناك

سيف : أيه ده مفيش حمام بعيد شوية توصفهلولى

أبتسم سيف أبتسامة حزينة والدموع تملئ عينيه بعد تذكر عدة
ذكريات له مع زوجته وظل ينظر إلي صورة زواجهم وبدأ
يتحدث إليها

سيف : أنا عارف إنى كنت مقصر فى حقك وأنك أستحملتيني

كثير وأستحملتى شغلى وقرفه لحد آخر وقت كان نفسى
بجد أسعدك بس عارف أنى معملتش كده عارف أن علي مدار
٤ سنين كانت أكبر أمنيائك أجازة واحدة تكمل أنا أسف
أنى مقدرتش أحميكى أسف أنى كنت مسئول عن حماية

الناس دى كلها وفشلت فى حماية أقرب حد ليا عارف إن
اللى حصل ده بسبب شغلى وأنت مكانش ليكى ذنب ياريتتى
كنت أنا اللى روحت لأنى بجد مش عارف أزاى هعيش من
غيرك

يمسح سيف دموعه ويكمل كلامه
سيف : عزائى الوحيد دلوقتى أنى متأكد أن ربنا كبير وأنت
عنده فى مكان أحسن مش هطلب منك تسامحيني وعارف
أنى مهما عملت مش هتسامحيني ربنا يرحمك أنتى كنتى
خسارة فى دنيا زى دى
أزداد بكاء سيف وأنهياره فأخذ برشامه مهدئ و نام

فى اليوم التالى أتجه سيف إلى مكتبه فى الجهاز وعندما وصل
وجد وائل
وائل : أزيك يا سيف عامل أيه دلوقتى
سيف : الحمد لله كويس
وائل : معلش أنا عارف الصدمة جامدة عليك
سيف : لن يصيبنا إلا ما كتب الله لنا أنا هشرب قهوة
أطلبك معايا

وائل : ماشى يا سيف
سيف : يا عم دسوقى
دسوقى الساعى : نعم يا سيف باشا

سيف : هاتلنا أثنين قهوة بس قهوتى هاتها سادة مش مضبوط
زى ما بتجبهالى على طول

دسوقى الساعى : حاضر يا سيف باشا
وائل : مش كنت ريحت انهارده يا سيف أنت شكلك ما نمتش
انهارده

سيف : فى حاجة مهمة لازم أعملها ومينفعش تستنى
وائل : حاجة أيه دى

سيف : هتعرف بعدين
وائل : ماشى يا سيف أنا جببتك من شركات الطيران سجلات
الأسماء بتاعت كل اللى سافروا روما الفترة اللى فاتت وجببتك
سجل أسماء المطربين اللى عندهم طيارات خاصة بس مفيش
حد فيهم راح روما اهو

.... "أياد كرم" لندن و تايلاند " آدم رسلان " هولندا
وأسبانيا "احمد منير" جوهانسبرج و برلين بس مفي
قاطعاه سيف : بس يا وائل مش عايز أعرف وألغى الكلام ده
كله

وائل : ألغيه ليه

سيف : زى ما بقولك شيل موضوع الناس اللى راحت روما
من حسابات القضية مش هتفيدكوا بحاجة
وائل : طب هحكيلك عملت أيه مع الموزع "احمد يوسف"

سيف : مش عايز أعرف
دخل دسوقى الساعى بالقهوة

وائل : أنا عارف أنك لسه مفوقتش للشغل بس لما لقيتك جيت
انهارده قولت أحاول أدخلك فى مود الشغل عشان تخرج من
اللى أنت فيه ده

سيف : شايف القهوة دى

وائل : اه

سيف : أشربها وأنت ساكت

وائل : حاضر

شرب سيف القهوة مع وائل الذى لم يتحدث بعد أن طلب منه
سيف هذا ثم خرج وائل وكتب سيف ورقه وذهب إلى مكتب
العميد هشام

سيف : صباح الخير يا سيادة العميد

العميد هشام : أزيك يا سيف عامل أيه انهارده إن شاء الله
تكون أحسن

سيف : الحمد لله يا فندم

العميد هشام : أجيبلك قهوة شكلك منمتش كويس

سيف : لا أعفينى يا هشام باشا لسه شارب قبل ما أدخل
لحضرتك

العميد هشام : طب كويس أنا عارف أنك أكيد تعبان ومش
هتبقى عايز تتكلم فى الشغل أنا مقدر اللى حصل بس تعالى

نتكلم فى القضية عشان تقدر تخرج من الجو اللى أنت فيه

سيف : انا بصراحة يا هشام باشا كنت عايز من حضرتك طلب
وأتمنى حضرتك تساعدنى ومترفضهوش
العميد هشام : أتفضل يا سيف طبعاً"
سيف : ده طلب أجازة مفتوحة بدون مرتب أتمنى حضرتك
توافقلى عليها
العميد هشام : بس يا سيف أنت تعبت فى القضية دى ليه
تضيع مجهودك وحد غيرك ياخده
سيف : معلىش يا فندم أنا بجد مش هقدر أبقي موجود لحد ما
أعصابى تهدي شوية
العميد هشام : ماشى ياسيف

خرج سيف من مكتب العميد هشام ليجد وائل يبحث عنه
وائل : أنت فين يا سيف عمال أدور عليك
سيف : كنت عند العميد هشام
وائل : بص يا سيدى أنا ليا ملازم صاحبى قى قسم الدقى
سيف : ماله
وائل : لسه كان بيكلمنى دلوقتى وقالى أنه من ٣ شهور كان
عنده قضية واحد أنتحر فى الشهر العقارى
سيف : وأنا إيه علاقتى بكده

وائل : ما أنا هقولك الراجل اللى أنتحر ده أنتحر بنفس السكينة
لما سألت عرفت أنه أنتحر فى نفس اليوم اللى كان بيسجل فيه
أغنية

..... (t live without you'I can)

الحلقة التاسعة



ترك سيف الجهاز بعدما أخبر وائل أنه ترك القضية و أخذ
أجازة مفتوحة لمراعاة أبنه وأن عليه أن يخبر العميد هشام
ومن سيتولى القضية بعده بخبر أنتحار موظف الشهر العقارى
الذى سجل كلمات الأغنية ثم ذهب عائداً " لمنزله وقبل أن
يصل إلى المنزل دخل محل أنترنت كافيه يسمى school
سيف : لو سمحت

صاحب المحل : أفضّل
سيف : عايز أعمل حساب على الفيس بوك وعايزك تفهمنى
كل حاجة فى الكمبيوتر
صاحب المحل : تمام
بعد تفعيل الحساب
صاحب المحل : كده بقى عندك أكونت على الفيس بوك ودى
بقى صفحات الناس المشهورة قولى أنت بتابع مين فيهم و أنا
اعمله أعجاب وبعدها هتقدر تتابع كل أخباره
سيف : حلو أوى فى مين بقى موجود من المشاهير
صاحب المحل : كلهم موجودين و عندهم صفحات يعنى دى
صفحة عادل امام ودى صفحة وائل ج
قاطعہ سيف : بص أعملهم كلهم وأكتبلى فى ورقة الأيميل
والباس ورد وأنا هبقى أتصرف
قام سيف من محل الأنترنت وذهب إلى محل هواتف
سيف : السلام عليكم
صاحب المحل : وعليكم السلام
سيف : عايز موبايل أندرويد يكون نوع كويس وسريع فى

النت بتاعه
أشترى سيف هاتف جديد وصعد إلى منزله ليتلقى اتصال من
وائل
وائل : نورت الفيس بوك يا سيف باشا
سيف : بنورك يا وائل

وائل : والله أستغربت لما لقيتك عملتلى أدد أنت طول عمرك شايفه تضيع وقت

سيف : أهو قولت أعمل حاجة تسلينى الفترة اللى هقعدھا
وائل : أنا مش عارف الصراحة ليه تاخذ أجازة وهتعمل أيه
فى البيت هتفضل قاعد هتتعب أكثر

سيف : أنا خلاص قفلت واتشئمت من القضية دى وكل ما
بفتكرھا بفتكر أنها السبب فى قتل مريم مرأتى كده أحسن
وائل : ماشى يا سيف عرفت مين اللى مسك القضية مكانك
سيف : مين

وائل : المقدم ياسر النجار
سيف : مش ده كان فى المخابرات ويبقى جوز بنت الوزير أيه
اللى جابه الجهاز عندنا

وائل : مفيش العميد هشام بيكسب بونط عند الوزير وطلب
نقله الجهاز عشان القضية صعبة ومحتاجه ظابط كفء
سيف : طب ما أحنا عندنا ظباط كلهم كفاءات

وائل : المشكلة أنه مبيفهمش حاجة أصلا ده أول ما جه وبص
فى ورق القضية وفى تحقیقاتك قال الكلام ده كله شغل عيال
وقالى أحضر نفسى عشان أتعلم الشغل الصح

سيف : حلو

وائل : أيه هو اللى حلو

سيف : هتشتغل مع قريب الوزير فرصة وجت لحد عندك لو
ظبطته فى الشغل هتخرج من القضية دى مترقى
وائل : اه ماشى لما نشوف

سيف : هتشوف يا وائل
وائل : المهم أنا كنت بكلمك عشان العميد هشام قالى أبلغك أنه
عايزك بكره الصبح تيجى عشان تعرفه وصلت لأيه فى القضية
وتفهم المقدم ياسر آخر اللى وصلته
سيف : إن شاء الله مع السلامة

أغلق سيف المكالمة مع وائل وظل يتصفح موقع الفيس بوك
ويشاهد الأخبار حتى وصلت الساعة السابعة أرتدى ملابسه
ونزل متجهاً " إلى فيلا المطرب " آدم رسلان " وما إن وصل
أمام باب الفيلا ودخل ليجد المطرب " آدم رسلان " يستقبله
وعلى وجهه علامات الاستغراب
سيف : أسف جتلك من غير ميعاد
آدم : لأ براحتك يا سيف باشا أفضّل
سيف : بصراحة أنا قولت أجى أقعد معاك شوية ودى زيارة
عادية صديق لصديقه مش رسمية

آدم : ولو حتى رسمية يا سيف باشا أنت تنورنى فى أى وقت
....معلش بقى أنا مشيت الشغالين مبقيهمش بعد الساعة ٥
لأنى فى العادة بنام بدرى
سيف : طب لو هأخرك على ميعاد نومك أقوم امشى

آدم : لا والله يا سيف باشا مقصدش تناللى أقصده أنى
هعملك القهوة بنفسى وقلقان أنها متعجبكش
سيف : لا إن شاء الله هتعجبنى وتسلم أيدك مقدما"
آدم : الله يسلمك
أحضر آدم فنجانين من القهوة وجلس إلى جانب سيف
آدم : أفضّل يا سيف باشا
سيف : تسلم أيدك
آدم : بص أنا مش مستغرب زيارتك لأن عادى جدا" أنك
تجلى مرة وأثنين بسبب القضية لكن اللى مستغربه أنك بتقول
زيارة ودية
سيف : أنا سبت القضية انهارده بصراحة مش قادر أكمل فيها
وأنا حاسس أنها السبب فى موت مراتى
آدم : غريبة جدا" أنا قولت أن دى حاجة هتزود دوافعك أنك
تعرف مين اللى عمل كده عشان تسلمه للعدالة وياخد عقابه
سيف : فعلا" مش هقدر أعمل كده والجهاز فى ظباط كويسين
إن شاء الله يقدرُوا يمسكوا اللى عمل كده
آدم : طب معلىش يعنى أیه سبب الزيارة مجرد فضول أنا متأكد
أنك مش هتضيع وقتك وتجلى من غير سبب

سيف : تمام بس أنا جاى زيارة عاديه لصديق ليا أشرب معاه
فنجان قهوة وامشى وابقى ع الأقل شكرتك على مجيئك العزا
أمبارح
آدم : تنورنى فى أى وقت يا سيف باشا

سيف : ربنا يخليك وعموما أنا كده تمام شربت القهوة
وأستاذك بقى وأروح عشان أنت كمان تعرف تنام

خرج سيف من فيلا " آدم رسلان " وركب سيارته أتجه إلى
المستشفى التى يعالج فيها ابنه ليطمئن عليه ثم عاد إلى
منزله وبدء فى تصفح موقع فيس بوك مرة أخرى و يشاهد
الأخبار ويضيف تصدقاء جدد ولكنهم جميعا " نساء وشابات ثم
دخل إلى غرفته لكى ينام

فى اليوم التالى أستيقظ سيف فى الثامنة صباحا " أرتدى
ملابسه بعد تناول أفطار خفيف ونزل ليذهب إلى الميعاد المحدد
فى مكتب العميد هشام فى جهاز الأمن الوطنى وأثناء الطريق
أتصل ب وائل

سيف : أيه يا وائل صباح الخير

وائل : صباح النور

سيف : أنت فى الجهاز ولا فى

وائل : أنا فى الجهاز من نص ساعة

سيف : تمام قولت أشوفك لأنى خلاص ١٠ دقائق وأوصل

ومش حابب أقعد فى مكتبى

وائل : ماشى مستنيك

أنهى سيف اتصاله ب وائل ثم وصل إلى الجهاز وصعد إلى
مكتبه ورأي
وائل الذى وجده فى انتظاره
سيف : أطلبلى قهوة سادة مش مضبوط
وائل : يا عم دسوقى
دسوقى الساعى : صباح الفل يا سيف باشا أيوه يا وائل
باشا أوامر حضرتك
وائل : الأمر لله يا عم دسوقى عايزك تجبلى قهوتى ولسيف
باشا قهوة سادة مش مضبوط
دسوقى الساعى : أوامرك ياباشا
وائل : أيه يا سيف بتعمل أيه فى حياتك بقى
سيف : مفيش قاعد والفيس ده طلع حاجة ممتعه بص عندى
عليه بنات قد أيه وكلهم بيدخلوا يكلمونى يسألونى اللى
متصور بالبدلة دى أنت أقولهم اه يقلولى ممكن نتعرف
وائل : أنت واخذ أجازة عشان تهدى أعصابك ولا عشان تبوظ
سيف : أدبنى بفك عن نفسى يا أخى
وائل : فك عن نفسك براحتك بس خلى بالك مفيش واحدة عدلة
الستات ملهاش أمان وهما اللى بيخربوا أى حاجة وواحدة من

بنات حوا تقدر تخسرك كل حاجة عملتها فى حياتك
سيف : متقلقش عليا : صحبتك سبع
دخل دسوقى الساعى بالقهوة وبعد أن شربا كلا منهم قهوته
أجهوا إلى مكتب العميد هشام ليبدءوا الاجتماع

العميد هشام : أزيك يا سيف انهارده عامل أيه
سيف : الحمد لله أحسن يا هشام باشا
العميد هشام : أعرفك بالمقدم ياسر النجار لسه منقول للجهاز
أمبارح وانا سلمته قضية الانتحارات
سيف : غنى عن التعريف يا هشام باشا المقدم ياسر أنجازه
فى المخابرات كل الطباط يعرفوها
ياسر : ربنا يخليك يا سيف باشا
العميد هشام : ياسر أمبارح شاف التحريات اللى أنت وصلتها
وأعترض عليها وفى بعض النقاط كان عايز يفهمها منك
ياسر : بصراحة يا سيف باشا ومع كل احترامى للمجهود اللى
أنت عملته فى القضية لكن أنا مش شايف أن فيه حاجة تسمها
سحر ومعمول فى أغنية واللى يسمعها يتلبس ويدبح نفسه
حاجة متصدقش وخصوصا " إن مفيش ولا دليل واحد على
الكلام ده
سيف : وأنا معاك وموافقك جدا " على الكلام ده
وائل : موافق أزاى يا سيف
سيف : بعد ما مراتى أتقتلت أول أمبارح أتأكدت أن اللى
بيحصل ده مش سحر وكلام فاضى لا بالعكس ده قاتل
ومحترف جدا "

ياسر : وعرفت الكلام ده أزاى
سيف : أولا ودى أكثر حاجة أكدتلى إن اللى بيحصل ده من
قاتل محترف مش سحر والكلام ده ال ٧ اللى لقوهم

منتحرين كلهم ادمنز الصفحات بتاعت آدم رسلان فى
المحافظات تانى حاجة أن القتل يحصل كله بنفس نوع السكينة
ونفس الشكل طب ما هو لو سحر مكانش هيبقى بالشكل ده
تالت حاجة إنى جالى تهديد قبل حادثة مراتى بيوم إنى أسيب
القضية وأبعد عنها عشان لو كملت يبقى أنا اللى أخترت أذى
نفسى وأنا مسمعتش الكلام وكانت دى النتيجة خسرتها

وائل : طب و الورقة اللى كانت فى أيد الدجال
سيف : كان لازم يوهمنا أنه سحر عشان يعمل مصلحته علينا
لو كان سحر زى ما قال كان قدر يحمى نفسه بدل ما أتدبح من
القاتل ومش بعيد يكون هو اللى حط الورقة فى إيده عشان
يتوهنا

وائل : سيف أنت بتعمل كده ليه
سيف : أنا بحذرکم عشان تاخذوا بالکم أنا خسرت مراتى
وأدينى مضطر مدور ش وراه عشان مخسرش ابنى
ياسر : تفتكر مين بيعمل كده

سيف : معرفش بصراحة بس حرب مطربين مع بعضهم وده
اللى واضحلى لما دخلت على موقع الفيس الصفحات بتاعت
المطربين نازله تشويه واتهامات فى بعض وكل صفحة
لمطرب بترمى الاتهام لمطرب تانى

وائل : طب والشاب بتاع أسكندرية اللى حالك أنه طلعه جن
بسبب الأغنية

سيف : معرفش قال كده ليه بس أنا متأكد إن ده مش حقيقة
وان كل اللي قالوا كذب معرفش بقى ... قبض أتهدد إيه
اللى خلاه يقول كده.. معرفش وعموما " عنوانه موجود أبعثوا
هاتوه وأستجوبوه
ياسر : مينفعش
سيف : ليه مينفعش
ياسر : جاتلنا أخبريه أمبارح الفجر بأنهم لقوه مدبوح تانى فى
أوضته

الحلقة العاشرة



أبتسم سيف أبتسامة ساخرة بعدما علم من ياسر بأن "حسن مصطفى" مات مذبحاً في غرفته

سيف : شوفت بقى يا عم وائل قولتلك اللى بيعمل كده قاتل محترف والموضوع ملهوش علاقة بالسحر

وائل : يعنى كل الجرى اللى أحنا جريناه ده طلع على فشوش وهندور من أول وجديد على اللى بيعمل كده

ياسر : الأغرب بقى واللى أنت متعرفهوش يا سيف باشا أن الدكتور اللى كان بيعالج حسن هو كمان أتدبح فى شقته أمبارح وبنفس الطريقة

سيف : طب وده يدبح ليه وأيه علاقته باللى بيحصل

وائل : أنا مش مقتنع أصلاً" بأن اللى بيحصل ده طبيعى فى حاجة كده غريبة لغز مريب واللى عمل اللعبه دى من أولها لأخرها حد فاهم كويس أوى فى السحر

سيف : برضو هتقول سحر بعد كل اللى سمعته ده

وائل : عشان أنا متأكد أنه سحر

سيف : طب أقنعنى كده لو سحر مين اللى بعثلى التهديد ولو سحر هل "حسن مصطفى" سمع الأغنية تانى بعد

اللى حصله فى المرة الأولى ولو سحر هيكون الدكتور سمع الأغنية

وائل : مش عارف بصراحة هى قضيه تتعب الدماغ أصلاً

سيف : بص يا وائل أنا مقدر أننا تعبنا فى القضية بس لما تمشى ورا خيط وتعرف أن نهايته مش هتوصلك يبقى تشوف خيط تانى

ياسر : صح يا سيف باشا

سيف : أحنا كنا فاكرين الموضوع فيه سحر وده مش حقيقة
وائل : امال أيه الحقيقة

سيف : اللي بيعمل كده قاتل محترف متأجر من حد وعارف
بيعمل إيه كويس وعارف أزاي ميسبش وراه ديول قتل
المسئولين فى فريق "آدم رسلان" ولما جه يقتل "حسن
مصطفى" أمر ربنا منفذش وعاش طبعاً "معرفش يروحله
المستشفى عشان أنا روحته أستنى لحد ما طلع وراحله كمل
مهمته

ياسر : تمام

سيف : الحلقة الناقصة فى الموضوع علاقة الدكتور المعالج
لحسن مصطفى بالموضوع كله هل أكتشف أنه مش سحر
أو حسن حكاية حاجة مقدرش أستنتج أكثر من أن الدكتور
كان يعرف حاجة عشان كده قتله

وائل : طب والحل نعرف أزاي مين اللي بيعمل كده

سيف : والله أنا قولت كل اللي وصلته فى القضية وبجد كان
نفسى أساعد كل اللي أقدر أقوله ربنا معاكم لأن القضية
صعبة

ياسر : أحنا محتاجين نعرف اللي بيعمل كده بيعمل كده ليه
عشان نقدر نحط ناس فى أوجه الاتهام لازم نعرف أيه الدافع
سيف : أنا أعتقد الشخصى إن حد من المطربين بيحاول
يوقع

" آدم " بطريقة غير مباشرة أول حاجة يوهم الناس إن
الأغاني فيها سحر وتانى حاجة يخسره الفريق بتاعه

ياسر : صح جدا " وده اللي أحنا لازم نمشى وراه دلوقتي
بص يا وائل "إياد كرم بسام بدر "يتخطوا تحت المراقبة ٢٤
ساعة من غير ما حد فيهم يحس بحاجة مراقبة غير مباشرة
وائل : تمام

ياسر : انهارده نروح "لآدم رسلان" نحاول نعرف منه أى
حاجة أي خيط نمشى وراه يمكن نقدر نعرف حاجة
وائل : حاضر

سيف : آدم مش هيفدكم بحاجة لأنه مش متعاون أصلا" وده
مخليني شاكك إن اللي بيعمل كده ممكن يكونش من الوسط
الفنى أصلا

ياسر : أزاي يعنى
سيف : تعالو نتخيل واحد من الكبار بتوع البلد على علاقة
بواحدة من الوسط الفنى والواحدة دى على علاقة بمطرب من
المطربين الكبار زى "إياد كرم" مثلا" أجر قاتل محترف يقتل
الشباب بتوع فريق " آدم رسلان " عشان يتقال إن اللي
بيعمل كده " إياد كرم " ويخسره شعبيته والوقت ده يكسب
الواحدة دى

وائل : طب وإيه اللي يخلي " آدم " يسكت
سيف : محطوط تحت تهديد ممسوك عليه سديهاات الله اعلم
بقى

وائل : ده لو الموضوع كده يبقى الليلة كبيرة أوى وأكبر من
ما نتخيل

سيف : بس اللي أنا بقوله ده تخيل وسيناريو من ضمن
سيناريوهات كتير

ياسر : بصراحة أول مرة أشتغل فى قضية بالغموض ده
سيف : عموما " أنتوا فكروا بهدوء عشان ميكونش حل اللغز
تحت رجلكو وأنتوا مش شايفينه وأنا هتوكل على الله أمشى و
لو أحتاجتوني فى حاجة تانى أنا تحت أمركم
ياسر : شكرا " يا سيف باشا

قام سيف من الأتتماع مع وائل وياسر ودخل إلى مكتب العميد
هشام

سيف : أنا همشى يا سيادة العميد
العميد هشام : عرفت ياسر الحاجات اللى كان عايز يفهمها
سيف : على قد ما قدرت يا سيادة العميد خصوصا " إن كل
اللى أنا وصلته يعتبر ملوش لازمه وكده ولا كده هما لسه فى
نقطة الصفر

العميد هشام : عشان مبتسمعش كلام قياداتك أنا قولتلك أنت
ماشى فى الطريق الغلط والسيد الوزير قالك نفس الكلام
سيف : حصل خير يا فندم وأدينى أخذت جزائى مراتى أتقتلت
وأبنى فى المستشفى

العميد هشام : ربنا يقومهولك بالسلامة
سيف : أمين يارب تؤمرنى بحاجة معاليك
العميد هشام : لا ياسيف أبقى طمنى عليك

خرج سيف من جهاز الأمن الوطنى متجهاً " إلى منزله وعندما
وصل إلى المنزل ظل ممسكاً " بهاتفه يتصفح المواقع والأخبار
حتى رن جرس منزله فتح الباب ليجد فتاة غايه فى الجمال
سيف : مين حضرتك

اسماء : أنا اسماء عبد الناصر صحفيه فى جريدة الخبر
الحقيقى

سيف : أهلا وسهلا

اسماء : طبعاً " أنا اسفة أنى جيت لحضرتك من غير ميعاد
سابق لكن الرقم اللى لقيتته لحضرتك مقبول من أمبارح
سيف : اه ده حقيقى لأنى غيرت رقمى أتفضل
اسماء : شكراً "

دخلت اسماء إلى المنزل وأغلق سيف الباب
سيف : تشربى أيه يا استاذة اسماء

اسماء : لا مش هقدر أشرب حاجة و الله

سيف : أزاى بقى لازم نشربى حاجهطة متقلقيش أنا عايش
لوحدى فعلاً " بس بعرف أغسل الأطباق والكوبيات كويس
عموماً " هعملك ليمون

اسماء : مش عايزة أتعب حضرتك

سيف : لأ مفيش تعب

أحضر سيف كأسان من عصير الليمون وجلس على إحدى
الكراسى

اسماء : حضرتك بتقرأ جريدة الخبر الحقيقى يا سيادة المقدم
سيف : لأ بصراحة أنا ماليش فى قراية الجرايد بحكم شغلى

معنديش وقت للقرايه بشكل عام
اسماء : تمام عموما عشان مطولش على حضرتك أنا
بقالى أسبوع شغاله على موضوع أنتحار الشباب اللي حضرتك
بتحقق فيه

سيف : تمام

اسماء : وبصراحة وبعد أذن حضرتك كنت جايه أعرف آخر
الى حضرتك وصلته

سيف : هههههه وهو حضرتك فاكراه إن فى ظابط هيدىكى
معلومات عن قضية شغال فيها وكمان قضية زى دى
اسماء : و ليه لأ

سيف : عشان مينفعش

اسماء : مينفعش ليه حضرتك بتبذل مجهود ولما يتنشر فى
الجرايد اللي حضرتك وصلته الناس هتعرف إنكم بتشتغلوا
والرائ العام هيهدا

سيف : بصى كلامك كويس ومنطقى بس فى مصر حاجة زى
دى أتعاقب عليها ده أولا

اسماء : وثانيا"

سيف : ثانيا" أنا سبت القضية وفى أجازة من ساعة ما مراتى
الله يرحمها أتوفيت

اسماء : الله يرحمها طب ممكن حضرتك تدينى أى
معلومات أنشرها لأنى لازم أكمل الملف اللي أنا فتحته

سيف : طب أزاى بقولك أتعاقب فيها

اسماء : أنا تعبت كتير فى الملف ده و حرام تعبى يضيع والله
يا سيف باشا

سيف : طب وأنا أعمل أيه دلوقتي
اسماء : هعرض على حضرتك فكرة ويارب تنفع
سيف : أيه هي
اسماء : كل اللي حضرتك هتقوله ليا هنشره من غير ما أكتب
أسم المصدر اللي هو حضرتك
سيف بتفكير : ماشى عشان بس تعبك ومجهودك ميصعش
اسماء : حاضر وشكرا أوى يا سيف باشا ها نبدا
سيف : أتفضل
اسماء : هل وصلت لى بيعمل كده ؟
سيف : لأ
اسماء : طب الموضوع ليه علاقة بسحر زي ما المواقع
نشرت
سيف : بردو لأ
اسماء : امال أيه
سيف : الدلائل بتقول إن اللي بيعمل كده قاتل محترف متأجر
من حد عايز يوقع شعبية " آدم رسلان " وده السناريو
الأقرب
اسماء : الحد ده حضرتك تعرفه
سيف : اكيد لأ وإلا كنت قبضت عليه
اسماء : هل القضية دى ليها علاقة بقتل مراتك
سيف : أحنا قولنا إيه معنى السؤال ده إنك بتعرفى اللي
بيقرا إنى أنا اللي قولتلك
اسماء : أسفه لحضرتك مقصدش

سيف : ولا يهتمك وكفاية معلومات لحد كده ولو أسمى جه فى
أى كلمة أعتبرى الجريدة بتاعتكوا مقفولة أنا طلعت جدع
تطلعى أنتى كمان جدعه
اسماء : طب آخر سؤال
سيف : أتفضل
اسماء : مين حواليه دايرة الاتهام
سيف : "إياد كرم وبسام بدر "
اسماء بنهوض : تمام يا سيف باشا شكرا " أوى لحضرتك
وأسفه على وقتك و أنى جيت من غير ميعاد
سيف : ولا يهتمك وده رقمى الجديد عشان لو هتيجى تانى
تعرفينى
اسماء : حاضر
سيف : مع السلامه

خرجت الصحفية اسماء من منزل سيف وعاد سيف لهاتفه
ولتصفح الفيس بوك والأخبار من المواقع وفى اليوم التالى
صحى سيف على رنة هاتفه بأتصال من وائل
وائل : صباح الخير يا سيف
سيف : صباح النور يا وائل
وائل : مش عوايدك يعنى تمام لحد الساعة ١٠
سيف : عادى كنت سهران على الفيس

وائل : شوفت الل حصل امبارح
سيف : أيه
وائل : لقو " احمد مصطفى " مهندس الصوت فى أغنية
(t live without you'i can)
مدبوح فى شقته أمبارح بليل

الحلقة الحادية عشر



أنهى سيف حديثه مع وائل بعدما قال له أن "احمد مصطفى"
مهندس الصوت فى أغنية

(t live without you'i can)

وجد مذبحا" فى منزله ليلة أمس وأتصل ب " آدم رسلان "
سيف : الو

آدم : أزيك يا سيف باشا

سيف : البقاء لله يا أستاذ آدم

آدم : ونعم بالله

سيف : هو العزاء معمول فين

آدم : فى المعادى عند بيت احمد مصطفى

سيف : تمام إن شاء الله أكون موجود انهارده

آدم : إن شاء الله

سيف : لسه يا آدم مفيش حاجة عايز تقولهاالى

آدم : مش شايف يا سيف باشا إن الوقت مش مناسب أننا

نتكلم

سيف : عندك حق نأجل الكلام دلوقتى ونتقابل فى العزا

آدم : بأذن الله سعيكم مشكور

أنهى سيف المكالمة مع " آدم " ولكن رقم غريب كان على
الانتظار

سيف : الو مين معايا

اسماء : أزيك يا سيف باشا أنا "اسماء عبد الناصر" اللى
كلمت حضرتك أمبارح

سيف : أهلا وسهلا يا أستاذة اسماء أو مرينى

اسماء : معلش يا سيف باشا كنت محتاجة أقابل حضرتك

سيف : معلش والله أنا هنزل عندى عزاء صديق هروحه
ومش هبقى فاضى

اسماء : الساعة لسه ١٢ يا سيف باشا والعزاء مش هيبدأ قبل
الساعة ٧

سيف : صلاة الظهر والجنابة كمان نص ساعة وعقبال ما
أخلص وأرجع مش قبل الساعة ٣

اسماء : طب خلاص أقابل حضرتك فى أي كافية تختاره بعد
الجنابة لأن فعلا" الموضوع اللى محتاجة أكلم حضرتك فيه
موضوع خطير وميستحملش التأخير
سيف : موضوع أيه بالظبط

اسماء : موضوع بخصوص القضية ،ومش هينفع أحكى
لحضرتك تفاصيل فى التليفون لازم أقابلك

سيف : ماشى يا أستاذة اسماء نتقابل فى سلينترو الساعة ٤

اسماء : تمام هستنى حضرتك هناك شكرا إن حضرتك وافقت
على المقابلة

سيف : العفو مع السلامة

أغلق سيف الاتصال مع الصحفية "اسماء عبد الناصر" وبدأ
فى ارتداء ملابسه ثم غادر المنزل متجهاً إلى المعادى لأداء
صلاة الجنازة على مهندس الصوت "احمد مصطفى" وبعد
أنتهاء الجنازة قابل سيف آدم وذهبوا إلى أحد الكافيهات
ليتناولوا فنجانين من القهوة
سيف : متهيلالى اللى حصل لأحمد ده يخليك تعرفنى ليه كل ده
بيحصل

آدم : صدقنى يا سيادة المقدم أنا معرفش
سيف : أنا سبت القضية دى لأنى جالى تهديد
آدم : تهديد تهديد أيه

سيف : تهديد بقتل مراتى وأبنى مراتى أتقتلت و سبت
القضية بالجزمة عشان أحافظ على حياة أبنى وده كله عشان
معرفش مين اللى بيعمل كده وده اللى خلانى معرفتش أحميها
ومستحيل هعرف أحمى أبنى

آدم : طب وأنا أقدر أسعدك أزاى أنا اكتر واحد عايز
الموضوع ده يتقفل وأرتاح أنا أكتر واحد أتضريرت الألبوم
بتاعى أتوقف والناس بقت بتخاف تسمعى وخسرت
فلوس وشهرة وأدى صاحبى

أهو إنتحر بسبب الألبوم

سيف : يبقى تحط أيديك فى إيدى وتعرفنى مين اللى بيعمل كده
عشان على الأقل أبقى واخد حذرى منه

آدم : بص يا سيف باشا أنا بنسبة ٩٠ فى المية شكى متوجه
ناحية "إياد كرم " أنه يكون هو اللى عمل كل ده بس ده مش
تأكيد بالنسبالى

سيف : وأيه اللى يخليك تشك فيه بنسبه كبيرة أوى كده
آدم: هقولك بس الكلام ده ميتحطش فى حاجة رسمية ولا
يتسرب لأعلام

سيف : متقلقش ده شئ أكيد

آدم: أنا وإياد كرم بينا عداوه من أول ما أنا ظهرت على
الساحة لأنى عملت شعبية كبيرة فى وقت قليل وبدأت الناس
تقرب منى وبعد ما كان الجمهور كله متفق عليه لوحده
والباقي بعده بقيت أنا ليا النص وهو النص

سيف : تمام وبعدين

آدم : من حوالى ٣ سنين كنت فى لبنان فى حفل توزيع جوايز
مهرجان وأتقابلنا هناك كان قاعد على طربيزه مع فنانيين
ونجوم كبار

سيف : يا أستاذ آدم الكلام ده كله ميخلهوش مصدر شك
بنسبة ٩٠ فى المية

آدم : أنا لسه جايلك فى الكلام

سيف : أتفضل

آدم: أول ما دخلت القاعة أغلب الفنانين اللى كانوا قاعدين
على الطربيزه قامو يسلموا عليا ويتصوروا معايا كنت وقتها
لسه راجع من أمريكا ومصور كليب دويتو مع شاجى هناك

سيف : أستاذ آدم ياريت حضرتك تلخصلى المفيد لأنى عندى
مواعيد

آدم : أنا كمان مش فاضى يا سيف باشا بس بحكيلك الموقف
كله عشان تبقى الرؤية واضحة

سيف : أتفضل

آدم : بعد ما سلمت عليهم وأتصورنا وكله تمام دخلت الحمام
وبالمرّة أظبط شعري قبل أستلام الجائزة

سيف : وبعدين أيه حصل

آدم: إياد دخل وقف على الحوض اللى جنبى قالى وصلت
يا آدم بعد ما كنت بتتمنى تتصور جنبى بقيت الناس تقوم من
جنبى عشان تتصور معاك بص يا آدم أنا مش هيبقيع
منى اللى عملته فى تاريخى ده كله عشانك حتى لو هيبقى عن
طريق الدم

سيف : للدرجة دى الشهرة ممكن تخلى حد يعمل كل ده

آدم: كمل إياد كلامه وقالى جملة متتنسّيش

سيف : جملة إيه

آدم : وهو خارج من الحمام قالى أنا رقم واحد وهفضل رقم
واحد

سيف : يعنى أنت عندك كلام زى ده وشايف أرواح بريئة
بتموت وساكت

آدم : أنا موقفى صعب يا سيف باشا وعموما أحنّا متفقين
أسمى ميغيش فى حاجة رسمى أو فى أى صحافة
سيف : إن شاء الله يا أستاذ آدم

خرج سيف من الكافية بعد نهاية حديثه مع آدم وركب سيارته
وأتجه إلى كافية سيلنترو فى التجمع الخامس ليقابل الصحفية
"اسماء عبد الناصر" التى كانت تنتظره
سيف : أسف على التأخير يا مدام اسماء
اسماء : انسة يا سيف باشا
سيف بأبتسامة : معلى أنا أسف
اسماء : لا ولا يهكم يا سيف باشا
ينادى سيف على مقدم الطلبات بالكافية
سيف : تشربى أیه يا أنسة اسماء
اسماء : عصير ليمون
سيف : قهوة سادة وعصير ليمون بعد أذنك
مقدم الطلبات : تحت أمر حضرتك
سيف : أنا أسف مرة ثانية أنى قولت ليكى مدام بس متوقعتش
أن واحدة فى جمالك وثقافتك تكون لسه أنسة
اسماء : ده نصيب يا سيف باشا لأنى اتخطبت ٥ سنين وبعد
كده محصلش نصيب
سيف : تمام كل شئ قسمة ونصيب
أتى مقدم الطلبات وقدم عصير الليمون إلى الصحفية اسماء
والقهوة إلى سيف
سيف : لو ممكن بقى تقولى الموضوع اللى عايزانى فيه
عشان زى ما قولتلك عندى عزا لازم أحضره
اسماء : حضرتك قرئت عدد انهارده من جريدة الخبر الحقيقى

سيف : أنا قولتلك مابتبعش جرايد
اسماء : تمام ده العدد أتفضل وأقرأ الخبر اللى أنا نشرته فى
الصفحة الثانية

سيف : الصفحة الثانية

سيف بفزعه : أيه اللى منشور ده
اسماء : أمبارح بليل الساعة ٣ الفجر جرس الباب رن فتحت
ملقتش حد بس كان فى ظرف قدام الباب خدته ودخلت فتحت
الظرف لقيت فيه الكلام اللى أنا نشرته والصورة اللى نزلت مع
الخبر صورته حقيقية

الجواب كان مكتوب فيه أن "احمد مصطفى" أنتهى والدور
علي سماحي

سيف بس كده ولا فيه حاجة تانى
اسماء : لأ هو ده اللى كان مكتوب بس
سيف : كده أنا لازم أبلغهم فى الجهاز دلوقتى عشان يحطوه
تحت الحراسة

اسماء : ما هو الخبر منشور من الصبح يعنى المفروض
يكونوا عملوا كده أنا طلبت حضرتك عشان اللى حصل بعد
الخبر ما أتتشر

سيف : أيه اللى حصل

اسماء : الساعة ٩ الصبح وصلنى ظرف تانى على الجريدة
فتحتة لقيت الجواب ده أتفضل

سيف يقرأ الجواب : لا تقومى بنشر أى شئ آخر دون ما
نرسله إليكى وإلا سيكون مصيرك نفس مصيرهم و عليكى أن

تبلغى سيف أنذارى الأخير بأن لايعبث معى من خلف الكواليس

أنهى سيف لقائه ب الصحفية "اسماء عبد الناصر" وعاد إلى
المنزل وبعد دخوله الحمام وأرتداء ملابس رن هاتف برنة
اتصال من وائل

سيف : الو أزيك يا وائل

وائل : الحمد لله تمام

سيف : والله كنت لسه هكلمك

وائل : عمرى أطول من عمرك عرفت اللى حصل

سيف : ايه

وائل : القضية عماله توسع أكثر

سيف : ليه ايه اللى حصل

وائل : الملحن "كريم شوقى" ملحن أغنية

(t live without you'i can)

سيف : ماله

وائل : لقوه مدبوح فى عربيته فى جراج تحت العمارة اللى

ساكن فيها من نص ساعة

الحلقة الثانية عشر



أنهى سيف مكالمة وائل بعد أن أتعف معه أنه سياتى إليه فى الجهاز فى صباح اليوم التالى لأنه مجهد ويريد النوم وفى اليوم التالى ذهب إلى الجهاز صباحا ليجتمع ب العميد هشام وقبل أن يدخل إلى مكتب العميد هشام دخل إلى مكتب وائل ليشرب معه فنجان من القهوة

سيف : أزيك يا وائل

وائل : والله واحشنى يا سيف

سيف : أنت اكتر والله

وائل : أيه مش ناوى بقى ترجع وكفايه أجاهه لحد كده

سيف : والله ما ليا نفس يا وائل

وائل : هو من أمتى يا سيف الشغل كان بالنفس

سيف : أنت هتاكنى بالكلام وهتقعد ترغى أطلب القهوة عشان ندخل لهشام باشا أقوله الكلمتين اللى جاى عشانهم وأمشى

وائل : كلمتين أيه

سيف : هتعرف لما ندخله

وائل : ماشى يا سيف

سيف : يلا بقى أطلب القهوة

وائل : يا عم دسوقى

دسوقى الساعى : أيوه يا وائل باشا

سيف : تزيك يا عم دسوقى

دسوقى الساعى : فى نعمة والله يا سيف باشا

وائل : هاتلى قهوتى وهات لسيف باشا قهوة سادة يا سيف

باشا ولا مضبوط زى الأول

سيف : لا سادة ياعم دسوقي
 خرج دسوقي الساعى ثم أتى بالقهوة
 دسوقي الساعى : أتفضلوا
 سيف : تسلم أيديك يا عم دسوقي
 وائل : روح أنت يا عم دسوقي متشكرين
 خرج دسوقي الساعى وعاد وائل للحديث مع سيف مرة أخرى
 وائل : شوفت اللى حصل
 سيف : أيه
 وائل : أمبارح جاتلنا أخبريه من مساكن شيراتون
 سيف : مالها
 وائل : أحمد يوسف الموزع بتاع
 (t live without you'I can)
 سيف : ماله أتدبح هو كمان
 وائل : اه فى شقته الساعه ٢ بليل مراته أتصلت وبلغت
 سيف : طب ومراته كانت فين لما حصل كده الساعه ٢ بليل
 يعنى أكيد كانت فى البيت
 وائل : القاتل كان مراقب البيت كويس جدا "احمد
 يوسف" كان نايم جنب مراته هى قامت تدخل الحمام
 رجعت لقيته مدبوح
 سيف : كده أنا تفكيرى كان صح ومفيش غيره
 وائل : مفيش غير مين
 سيف : هتعرف لما ندخل للعميد هشام دلوقتى يلا بينا

خرج سيف و وائل من المكتب وأتجهوا نحو مكتب العميد هشام

سيف : صباح الخير يا سيادة العميد

العميد هشام : صباح النور يا سيف عاش من شافك

سيف : ربنا يخليك يا سيادة العميد

العميد هشام : أيه أخبارك دلوقتي

سيف : أحسن الحمد لله يا هشام باشا بصراحة أنا كنت

جاي لحضرتك بخصوص القضية

العميد هشام : أيه هترجع تمسكها

سيف : لأ أنا عندي معلومات شبه مؤكدة عن اللي بيعمل كده

وكنت حابب أتكلم فيها مع حضرتك

العميد هشام : تمام اوى هبلغ المقدم ياسر عشان يجي

يسمع اللي هيتقال

سيف : يستحسن أكيد

قام العميد هشام بالنداء على دسوقي الساعى وأبلغه بأبلاغ

المقدم ياسر الذى أتى إلى المكتب سريعا

ياسر : صباح الخير يا سيادة العميد

العميد هشام : صباح النور يا ياسر تعالى أقعد

ياسر : أزيك يا سيف باشا

سيف : بخير يا ياسر باشا

العميد هشام : سيف عنده معلومات مهمة عن القضية وبيقول

إنها شبه مؤكدة عن اللي بيعمل كل ده

ياسر : مين يا سيف باشا

سيف : إياد كرم
العميد هشام : سيف ده نجم كبير ومشهور والكلام اللى أنت
بتقوله ده لو مفيش عليه أدلة مؤكدة مينفعش
سيف : أمبارح كنت فى جنازة الملحن كريم شوقى وأتقابلت
مع "آدم رسلان" وحكالى قد أيه "إياد" ، بيكرهه وأن
"إياد" هددته قبل كده بأنه مستحيل يتنازل عن مكانته اللى
وصلها حتى لو وصل الأمر للدم
ياسر : طب و آدم مقالش الكلام ده ليه قبل كده
سيف : هو أصلا قال بالعافية بس ضغطى عليه بالأسئلة مع
أنهياره من قتل صحابه خلوه يقول كده
ياسر : يبقى يجى يشهد بكده عشان نقدر نستجوب "إياد"
سيف : دى المشكلة هو قالى الكلام ده كله بشكل ودى
لكن شدد على نقطة أن الكلام ده ميجيش فى أى حاجة رسمى
أو فى صحافة
وائل : طب ما هو كده مفدناش بحاجة
سيف : بالعكس فادنا كتير
وائل : أزاى
سيف : هو عرفك اللى بيعمل كده أو على الأقل حطك حد فى
الأتهم أنت بقى عليك تثبت
ياسر : يعنى أحنا نمشى ورا " إياد كرم " طب أفرض أنه
مش هو اللى بيعمل كده يبقى ضيعنا وقت على الفاضى
وسايبين المجرم الحقيقى
سيف : يا ياسر باشا "إياد" عنده الدافع القوى أنه يعمل ده

بس فاضل الأثبات

وائل : مش عارف بس برضو أنا مش راكبه فى دماغى

سيف : طب ما تيجوا نتخيل اللى حصل

" آدم رسلان " ظهر بعد ما كان " إِياد " مستحوذ على النجومية لوحده وبدأ صيته يعلى ويكون جمهور وكل يوم الجمهور ده عمال يزيد ده زود الحقد عند إِياد أتفق مع قاتل محترف أنه يقتل أفراد الفريق بتاع آدم بدء الأول ب منظمين الأتراس فى المحافظات عشان الناس تشك إن الأغنية فيها سحر وبكده يبقى ضرب عصفورين بحجر خلى الناس تبطل وتقلق تسمعه وخسره المنظمين

... حالات القتل اللى بتحصل ل الناس اللى أشتغلت فى الأغنية بتكثر وده لسببين أولا يقلق آدم منه ويخليه يخاف على نفسه ثانيا يثبتلنا كجهة تحقيق إن اللى بيحصل سحر دماغ سم ياسر : بس دى لفة طويلة أوى وغريبة

سيف : أنا بنسبة ٩٩ فى المية متأكد إن ده اللى حصل العميد هشام : حد عنده أى أفكار نعملها بعد اللى سيف حكاه ده

ياسر : أحنا مقدمناش غير أننا نحطه تحت المراقبة وياريت لو حضرتك تقدر تجبلنا إذن بمراقبة مكالماته لأنها أكيد هتدلنا العميد هشام : ماشى حطوه تحت المراقبة وأنا هشوف النيابة عشان تطلعلى أذن بمراقبة مكالماته

سيف : أنا هقوم أمشى بقى وأتمنى أكون قدرت أفيدكم العميد هشام : أكيد يا سيف المعلومات اللى أنت قدرت تجيبها

دى جايز جدا" تخلينا نقفل القضية دى ونخلص

خرج سيف من مكتب العميد هشام بعد تبادل السلام مع كل من
كانوا بالمكتب وخرج من الجهاز عائداً" إلى منزله
وعندما عاد إلى المنزل أمسك هاتفه وبدأ يتحدث مع أحد
الأشخاص على برنامج الواتس أب
سيف : تمام ... كويس جدا" متقلقش الليلة كل حاجة
هتنتهى

أنهى المحادثة وأتصل بالصحفية اسماء عبد الناصر
سيف : الو

اسماء : الو أزيك يا سيف باشا

سيف : الحمد لله

اسماء : الحمد لله أيه يا ترى فى جديد

سيف : اه حاولى تبقى فى مكتبك بكره الصبح بدرى لأن
القضية هتتقفل بكره

اسماء : هتتقفل على أيه

سيف : معرفش اللى أعرفه أنها هتتقفل بكره


اسماء : تمام

سيف : أنا عشان مقدر مجهودك وسعيك فى شغلك مكونتش
عرفتك حاجة زى دى أتمنى متخيبيش ظنى فيكى عشان
مش هيبقى كويس عشانك

اسماء: حاضر يا سيف باشا
سيف : مع السلامة
أنهى سيف مكالمته مع الصحفية "اسماء عبد الناصر" ودخل
غرفته لكي ينام

الساعة الثانية بعد منتصف الليل
أرتدى سيف ملابسه و خرج من منزله ركب سيارته مسرعا
حتى وصل بالقرب من فيلا ركن سيارته او غير ملابسه
وأرتدى ملابس أخرى ملثما وجهه ب شال أسود ونزل من
سيارته يقترب دون أن يراه أحد وصعد إلى
غرفته داخل الفيلا

الحلقة الأخيرة



دخل سيف الغرفة من الشرفة وأتجه نحو السرير الذى ينام عليه " آدم رسلان " ووضع لاصق على فمه وكتف يداه بعد أن ضربه على رأسه بعصا سميكة أفقدته الوعي ثم وضعه على كرسى و كتفه بالكرسى ليفقده أى حركة قد يقوم بها وقام بتفويقه ثم أخذ إحدى الكراسى الموجودة وجلس أمامه

سيف : أنت ذكى أوى يا آدم بس كل ذكى فيه الأذى منه بس اللى هيجننى أنت ليه عملت كل ده أيه مصلحتك أنك تقتل جمهورك وناس بريئه ملهاش ذنب

ثم قام ووقف بحانبه ووضع سكينه على رقبته وقال له سيف : هشيل البتاعه اللى على بوقك دى لو نطقت بكلمة غير تجابة سؤالى هطير رقبتك

أزال سيف اللاصق من على فم آدم

آدم : أنا معملتش حاجة

سيف : لأ أت عملت سحر يخلى أى حد يسمع الأغنية بتاعتك يتدبح وبأختياراك جابوب على سؤالى أنطق ليه عملت كده

آدم: النجاح

سيف : نجاح أيه اللى يجى بالقتل

آدم: النجاح مكانش هيكمل طول ما "إياد" موجود فى طريقى كنت لازم أشيله بأى طريقه

سيف : تقتل ناس عشان "إياد" يلبسها ويروح السجن وأنت تركب الموجه

آدم: مكانش قدامى حلول تانى وياريت تفكنى بقى

سيف : أفكك

آدم: أنت معندكش دليل قانونى واحد يخليك تتحفظ عليا ومش
هتلاقى أنا مأمّن نفسى كويس اوى
سيف : قانونى أمممم و مأمّن نفسك ماشى
وضع سيف اللاصق على فم آدم مرة أخرى وعاد يجلس على
الكرسى

سيف : مين قالك بقى إن البلد دى فيها قانون القانون فى
البلد دى معمول عشان الناس الغلبة متجيش على اللى شبهك
لكن اللى شبهك ملهوش قانون وعشان كده أنا مش هستنى
قوانين لأن القانون مهما عمل مش هيرجلى مراتى
القانون معناه العدل والعدل يعنى من قتل يقتل ولو بعد حين
وعشان كده أنا هطبق العدل مش القانون هذبك وبنفس نوع
السكينة اللى أدبحت بيها مراتى والغلبة اللى أتدبحوا بسببك
قام سيف وأخرج سكينة

سيف : عارف السكينة دى شايف الدم اللى عليها ده
ده دم مريم مراتى ودى نفس السكينة اللى كانت جنبها لما
لقيتها سايحة فى دمها مدبوحه عشان انت توصل للقمة
ذبح سيف رقبة " آدم " ورمى السكينة بجانبه وبجانبها أحدى
الكتب ثم فك الربط من الكرسي وأزال اللاصق من على فمه
وكتب على المرآه جملة

(i can live without you)

وخرج من الفيلا بنفس الطريقة التى دخل بها ملثما " دون أن
يراه أحد

ركب سيارته وأعاد تغير ملابسه وأنطلق بسيارته متجها " إلى

أحد الكافيات وصل إلى الكافيه ودخل
إليه ليقابل المقدم ياسر

ياسر : أخذت حقك يا سيف خلاص

سيف : اه كده أرجع انام زى الأول بعد ما النار اللي جوايا
بردت وقفلتلك القضية زى ما اتفقنا

ياسر : تمام ممكن بقى تفهمنى عرفت أزاى أنه آدم وشلته
اللى بيعملوا كده بدل ما أنت ممشيني وراك كده زى الحمار
مش فاهم حاجة

سيف : أنا من أول يوم وأنا شاكك فيه لما قالى أنه هو اللي
كاتب الأغنية فضلت أدور وراه لحد ما قتل مراتى منظر مريم
وهى مدبوحه قهرنى بس مخلصيش أفقد الوعي أو التركيز
للحظة بالعكس زود إصرارى إني ألقى اللي عمل كده عشان
أجيب حق دمها

ياسر : لحقت تفكر وتكلمنى فى اللي أنت كنت فيه ده أزاى
سيف : كان لازم أدى الأمان للى بيعمل كده عشان تكشفه
ومكانش عندى فرصة إنى أخلى حد مكانى غيرك صاحبي
ودفعتى وقريب الوزير يعنى بطلب صغير منك تتنقل بسهولة
ولسه راجع من بعثه ومحدث يعرف أنك صاحبي

ياسر : طول عمرك مصلحجى يا سيف

سيف : كلمتك وتظاهرت قدام الكل أنى خلاص بعث القضية
عملت أكونت فيس عشان الناس تحس إنى ماصدقت مراتى
تموت عشان أخذ نفسى ضيقت بنات كتير عشان أبان شخص
زباله ومحدث يشك فىا أنى بدور

ياسر : وبعدين

سيف : رocht لآدم الفيلآ عشآن أشوف عينيه لآآ أفآجئه
بزيآرتى ليه وفعلآ أول مآ شآفنى أآخض لآسن حظى بقى إن
الشغآلين اللى عنده يمشوآ من السآعه ٥ ومبيتفضلش غير
البوآبين

ياسر : لقيت آآآه هنآك

سيف : لآآ دخلت لقيت فى مكتبة فى الرسبشن مآآنتش
موجوده أول مرة رocht ليه حسيت إن وړآهآ لغز استغليت
فرصة أنه كآن يعمل القهوه وقومت بصيت فى المكتبة لقيت
نفس الكتآب اللى كآن مرمى جنب الدجآل وهو بيّفك السحر
فتحت الكتآب لقيته معلم على جمله فى صفحه بس مفهمتش
آآآه

ياسر : آآدت الكتآب

سيف : لآ طبعآ" كآن هيحس ده غير إنى معآيآ النسخة بتآعت
الدجآل أَنآ كل اللى عملته حفظت رقم السطر والصفحه ورجعت
الكتآب قبل مآيرجع وأول مآ رocht فضلت أبص للجملة بس
مش فآهم آآآه جمله كده آحس أَنهآ عبرى

ياسر : وبعدين

سيف : لآآ وائل وړآنى سجآلات السفر وسجل المطربين اللى
عندهم طيآرآت آآصه مهمنيش أبص على آد غير آدم لقيت
السفر اللى سآفره ملهوش علاّق خآلص برومآ كل اللى رآحه
هولندا وأسبآنيآ بس عن طريق صديق ليا فى سفآرة رومآ
عرفت أنه دخل رومآ عنن طريق القطار الأوربى من أسبآنيآ

ياسر : وده اللي أكدك أنه هو
سيف : كان ناقص أتأكد من حاجة واحدة

ياسر : ايه هي
سيف : كنت عايز أتأكد فى حد بيساعده ولا لأ
ياسر : وبعدين

سيف : قدرت أجيب المكالمات المسجلة فى الشهر ده لآدم
وفعلا فى مكالمة بينه وبين "احمد يوسف" وضحتلى كل
حاجة

احمد يوسف : حمدالله ع السلامة يا آدم
آدم : الله يسلمك

احمد يوسف : عملت أيه هناك
آدم : قعدت مع الساحر الإيطالى وعرفنى أزاى أعمل السحر
فى الأغنية و أزاى أقول الطلسم
احمد يوسف : أنا قلقان يا "آدم"

آدم : أنا مرتب كل حاجة وهغنى على اللحن اللي أتعمل
والتوزيع وكده ولا كده الأغنية هتتسمع الشعب اللي
بيسمع أوكا وأورتيجا وفيلو مش هيفرق معاه بيسمع أيه
المهم رتبت أنت مع الولد اللي اسمه "حسن مصطفى"
والدكتور بتاع المستشفى اللي هيتنقل عليها

احمد يوسف : اه رتبت معاهم كل حاجة وأتفقت مع "كريم
شوقى" و"احمد مصطفى" على الكلام اللي هيقوله فى
التحقيقات

آدم : لو كل حاجة مشيت زى ما أحنا عايزين والحكومة
صدقت كلام "حسن مصطفى" هه "إياد كرم" هيتشال من
طريقنا للأبد وهنتقل نقله تانية

سيف : بعد ما سمعت المكالم دى أتأكدت أنهم عصابة كاملة
مش واحد بس اللى بيعمل كده
ياسر : "حسن مصطفى" والدكتور بتاعه كانوا الحلقة
الناقصة

سيف : بالظبط كانوا متفقين معاهم عشان يتوهونا
ياسر : عشان كده أنت خلّيت آدم فى الآخر
سيف : أنا حظيت كل واحد فى دوره بدأت بحسن والدكتور فى
أسكندرية وبعدها "احمد مصطفى" و"كريم شوقى" و"احمد
يوسف" و"آدم" فى الآخر كانوا لازم يموتوا بنفس الطريقة
اللى قتلوا بيها
ياسر : وليه قتلوا مراتك

سيف : كانوا مراقبينى ولما لقونى روحى للدجال وقربت
أوصلهم قتلوها عشان يبعدونى عن القضية كلها أو على الأقل
يشتتوا تركيزى لما يحطونى فى الظروف دى
ياسر : طب أنا مش فاهم أزاى بيقدروا يتحكموا فى اللى
هيتقتل

سيف : ده اللى أنا عرفته بعد كده لما فضلت أدور ورا الجملة
اللى فى الكتاب أكتشفت أن الجملة دى هى
(t live without you'i can)

بس متشقلبه وأكتشفتها بالصدفة لما بصيت على الكتاب
بالمشقلب وأنا واقف الجملة دى بالمشقلب طلسم أسمه
طلسم روما بيتعمل فى إيطاليا ويعتبر أوسخ أنواع السحر على
مستوى العالم وبيخلى الساحر يتحكم فى أى حد سمع الجملة
ياسر : وليه بعت للصحفية تحذير

سيف : لما جاتلى شكيت فيها أنها مزقوقه من حد عشان كده
حببت أبين ليها أن القضية مش فرقالى وتانى يوم بعثتها
التحذير عشان لو تبعهم مش هتجلى وتقولى أنه اتبعثها لكن
أتأكدت أنها صحفية وكويسة كمان

ياسر : العميد هشام بيتصل
رد ياسر على العميد هشام الذى أبلغه ب وجود آدم مذبوحا فى
فيلته

سيف : يلا يا صديقى أبسط ترقيه جديده أنا سييلك كل حاجة
هناك السكينة والكتاب جنبه روح وقفل القضية إن السحر
أتقلب على الساحر

النهاية